



大明仁孝皇后勸善書卷之十三

嘉言

○生長富貴當念惜福。○崇善以廣德則業泰而身安。○須惜福乃可延年。○為善者未嘗無報也。不以其實則以其名。不在其身則在其子孫。○若人為佛故建立諸形像刻雕成衆相皆已成佛道。○彩畫作佛像百福莊嚴相。自作若使人皆已成佛道。○若當有人作佛形像功德無量。天上人中受諸快樂。○若作佛形像者世世生處身體完好。後死得生第七梵天。○造佛形像相好具足令人見之心生歡喜。能滅恒河沙劫生死之罪。○敬像如敬佛則法身應矣。

○繪畫尊像日夜虔虔尊重供養當獲三十種上妙功德。○凡厥繫心皆先造像一念發心得福無量。○聖相年久風雨侵損以時修復得福無量。○所造功德第一造像第二寫經安置道場傾心供養當獲福報。○諸善已備得生有道之國。

感應

漢明帝永平七年帝夢金人長大項有日光飛至殿庭。旦問群臣。太學博士傅毅奏曰。周昭王時西域有佛出世其形長一丈六尺而黃金色陛下所夢將必是乎。博士王遵推周書異記佐之。帝遂遣中郎蔡愔博士秦景等一十八人使西域求佛法。蔡愔等至天竺鄰境月氏國遇梵僧攝摩騰竺法蘭二人奉佛經像來震旦也。遂同東還。永平十年至京。摩騰入關獻經像。帝大悅。館于鴻臚寺。法蘭同行而後至。帝於城西雍門外別立一寺。騰蘭居之。以白馬馱經而來。遂名白馬寺。永平十四年或斥言其偽。騰蘭白於帝曰。吾佛出世間法水火不能壞。請驗之。帝勅畫出所有奇經秘訣與沙門所持來經像就焚之。正月十五日火作而沙門諸經完然不燼。言者稽首欽服。帝益異之。由是騰蘭習漢言。久之譯四十二章經。十地斷結佛本生法海威佛本行等五經。帝嘗幸其寺。騰蘭進曰。寺東何館。帝曰。昔有阜無因而起。夷之復然。夜有光怪。民呼為聖塚。曰祀之疑洛陽神也。騰曰。按天竺金藏詮所誌阿育王藏。如來舍利于天下。凡八萬四千所。今支那震旦境中十有九處。此其一也。帝大驚。即日駕幸聖塚而騰蘭隨往。

拜起。忽有圓光現塚上。三身現光中。侍衛呼萬歲。帝喜曰。不遇二大士。安知上聖遺祐哉。詔塔其上。受制度於騰蘭塔。成九層高二百尺。明年光又現。有金色手出塔頂。尺許如琉璃。中見天香郁然。帝駕幸拜瞻。光隨步武旋繞。自午及申而滅。

昔有光菩薩者。鄞縣人。其先世習雕塑。至光藝益精。甫壯年。忽厭家累。將從海會。壽梅峯。剝落其妻子。固留之。光夕遁去。遂引刀斷髮。服僧伽黎。絕浙河。逾具區。登匡阜。徧然有道。尊宿踰十寒暑。還謁壽。已遷化。聞華頂無見。和尚道行清峻。撲胸中所疑投之。無見。令究狗子無佛性話。獲證入。遂禮無見為得度師。光一生雕飾兩浙諸山。佛菩薩像甚多。事畢。掌包即去。未嘗受其毫髮之報。暮年歸隱華頂。遂於石橋菴。塑五百應真像。窮極巧妙。始事之晨。雲霧間鼓鍾與梵音洋洋間作。賸工闕園蔬。光欲遣人化之。忽寧海多寶寺圓講主者送菜至。光喜問故。曰。向真菩薩以尊命到寺。化菜。故送至。時菴中有名真者。臥病久不出。由是知神人應化也。光亦不經意。年七十有三。無疾坐。蛻于華山。

晉時僧法洪住瓦棺寺。義熙十二年。官禁鎔鑄。未禁之先。洪發心鑄丈六金身。鑄像猶在模。所司知覺。收洪禁械。洪日誦觀音百遍。忽夢所鑄金像來獄中。手摩其頭。曰。無慮。其像胸前方一尺許。銅常沸液。當洪被禁日。城中牛馬皆不肯入欄。時以為怪。旬日救至。洪因赦免。像即破模自現。胸前遂堅。

昔佛在世時。跋耆國王名優填。來至佛所。頭面頂禮。合掌白佛。言世尊。若佛滅後。其有衆生。作佛形像。當得何福。佛告王曰。若當有人。作佛形像。功德無量。不可稱計。世所生。不墮惡道。天上人中。受福快樂。身體常作紫磨金色。眼目清潔。面貌端正。身體手足奇好。常為衆人之所愛。若生人中。常生帝王大臣長者。賢善家子。豪貴巨富。財產珍寶。不可稱數。

晉恭帝元熙元年。帝深敬佛道。詔於瓦棺寺鑄釋迦佛丈六金像。畢功之日。放光滿寺。傾都人士咸致供養。

宋江陵長沙寺沙門釋僧亮。志操剛烈。戒德堅淨。常結西方願。造丈六無量壽像。功用既巨。積年不辦。聞湘州銅溪山廟甚饒銅器。欲化道子鬼神取。

充成辦遂州刺史張邵告曰此廟靈驗犯者輒斃且蠻人守護恐此難為亮曰福與君共死則身當即給人船未至一宿神已預知風震雲冥鳥獸嗚呼俄而亮到霧歇日明未至廟屋二十餘步有兩銅鑊容數百斛見一大蛇長十餘丈後鑊騰出巨身斷道從者可人悉皆退散亮乃整服而進振錫告蛇曰汝前世罪業故受蟒身不聞三寶何由自拔吾造丈六無量壽像聞此鏡銅遠來相詣幸可開路使我得前蛇乃舉頭看亮引身而去亮躬率人徒捷取銅器唯牀頭唾壺可容四升有蠅蛭長二尺餘跳躍出入遂置不取廟器重大十不收一唯勝小者船滿而還守廟之人莫敢拒護亮還郡鑄像以元嘉九年畢功神未端嚴威光偉曜造像靈異聲傳京師文帝奉迎還都以談光未備敕造金薄圓光欲覆安樂寺僉以彭城之塔顯居國門送像凌馬至明帝之初以舊邸為寺請像移住置于湘宮大殿後亮以此切坐化而逝

梁東海何敬叔少奉佛法因得梅檀製以為像而無圓光屢求不獲因夢一沙門杖錫來曰檀非可得縣後何家桐盾可求之次早因求買之何曰曾未示人君何得知敬叔以事告之何氏驚喜奉以製光後敬為湘府直省又夢像現

六初非書卷十一

宗海州朐山賀氏世畫觀音像全家不茹葷每一本之直率五六千而又經涉歲時方可得蓋精巧費日致然傳至六待詔者於藝尤工正據案施丹青一巧者及門遍體瘡癩膿血潰出臭穢不可近携鯉魚一籃還之求畫賀曰吾家絕筆累世矣何以相汚其人曰君所畫不逼真我雖至貧行乞却收得一好本君欲之乎賀喜洒掃淨室延之入即反拒戶良久呼主人賀往視則已化為觀音真相金光繚繞百寶莊嚴賀喚子弟焚香敬禮遽失所在室中異香芬馥歷數月不散由是畫名愈彰

宋元嘉二年劉式之造文殊金像朝夕禮拜頃之便失惆悵祈請夙夜匪懈經于五年夕時見佛座有光發座至棟式之因燒香拂拭牀帳乃見失像儼然具存後凡有祈靈谷如響

梁剡石城山有釋僧護朮曾剡人也必出家便剡意苦節戒行嚴淨後居剡石城山隱岳寺寺北有青巒直上數十餘丈當中夾有如佛光之形

上有叢樹曲榦垂蔭。每經行至。辟所輒見。光明煥炳。聞絃管誦讚之聲。於是擎鑪發誓。願傳山鑄造十丈石佛。以擬彌勒千尺之容。使凡厥有緣。同觀三會。以齊建武中。招結道俗。初雕鑿移年。僅成面璞。項之護遘疾而亡。臨終誓曰。吾之所造。本不期一生成辦。第二身中。其願克果。後有沙門僧淑。纂嚴遺功。而資力莫由。未獲成遂。至天監六年。始豐令吳郡陸咸。罷邑還國。夜宿剡溪。值風雨晦冥。咸皆危懼。假寐忽夢見三道人來告云。若識信堅正。自然安隱。有建安殿下感患未瘳。若能治剡縣僧護所造石像得成就者。必獲平豫。冥理非虛。宜相開發也。咸還都經年。稍忘前夢。後出門乃見一僧云。聽講寄宿。自言去歲剡溪所囑。建安王事。猶憶此不。咸荅曰。不憶。道人笑曰。宜更思之。仍即辭去。咸悟其非凡。乃倒屣諮訪。追及百步。忽然不見。咸豁爾意解。具憶前夢。乃剡溪所見第三僧也。咸即馳啓建安王。王即以上聞。勅遣僧祐律師。專任像事。王乃深信。益加喜踊。抽捨金貝。誓欲成之。初僧祐未至。一日寺僧慧達。夢見黑衣大神。翼從甚壯。立于龕所。高略分數。至明旦適祐律師至。其神應若此。初僧護所創鑿龕過淺。乃

入五文。更施頂髻。及身相。克成瑩磨。將畢。夜中忽當已字處。色赤而隆。

起猶不施金。而赤色存焉。像以天監十二年春就功。至十五年春竟。座高五丈。佛形十丈。龕前架三層臺。又造門閣殿堂。并立衆基業。以充供養。其四遠士庶。並提挾香華。萬里來集。伏施往還。軌迹填委。自像成之後。建安王所苦即瘳。王後改封南平是也。

唐殿中侍御醫孫迴。璞濟陰人也。至貞觀十三年。從王車駕幸九成宮。三善谷。與魏太師隣家。嘗夜二更聞外人喚孫侍醫聲。璞起出看。謂是太師之命。既出。見兩人。謂璞曰。官喚璞曰。我不能步行。即取其馬。乘之。隨二人行。乃覺如晝日光明。璞怪訝。而不敢言。二人引璞出谷。歷朝堂東。又東北行六七里。至首窳谷。遙見有兩人持韓鳳方行。語所引璞二人曰。汝等錯。我所得者是。汝宜放彼人。即放璞。璞循路而還。了了不異。平生行履。既至家。繫馬。見婢當戶眠。喚之不應。不起。璞入戶。見其身與婦並眠。欲就之。而不得。但着南聲大聲喚婦。終不應。屋內極明。見壁角中有蜘蛛網中。二蠅一大一小。并見梁上所着藥物。無不分明。唯不得就牀。自知是死。甚憂悶。

恨不得就妻別倚立南壁久之微睡忽驚覺身已卧牀上而屋中闇黑無所見喚婦令起然火而璞方大汗流起視蜘蛛網歷然不殊見馬亦大汗鳳方是夜暴死後至十七年璞奉勅馳驛往齊州療齊王佑疾還至洛州東考義驛忽見一人來問曰君是孫廻璞不璞曰是君何問為答曰我是鬼耳魏大師有文書追君為記室因出文書示璞璞視之則鄭國公魏微署也璞驚曰鄭公不死何為遣君送書鬼曰已死矣今為太陽都錄大監故令我召君廻璞引坐共食鬼甚喜謝璞璞請曰我奉勅使未還鄭公不直追我還京奏事畢然後聽命可乎鬼許之於是晝則同行夜則同宿遂至閔鄉鬼辭曰吾取近所度關待君璞度關出西門見鬼已在門外復同行至滋水鬼又與璞別曰待君奏事訖相見也君可勿食葷辛璞許諾既奏事畢而訪鄭公已薨校其薨日則孝義驛之前日也璞自以必死與家人訣別而請僧行道造像禮佛可六七日夜夢前鬼來召引璞上高山山顛有大宮殿既入見衆君子迎謂曰此人修福不可留之可放去即推璞墮山於是驚悟

梁武帝於本第立光宅寺鑄金銅丈八像匠臨就冶疑銅不足始欲上請忽有使者領銅十五車至云奉勅送寺即就鑄寫一鑄便成惟覺高大試量乃二丈二尺以狀來聞勅云初不送銅斯乃神奇應感也遂鑄花趺以為靈誌

宋道生居常熟興福造丈六彌陀像得縣令梅汝能施財妝采即集衆誦經念佛陳白慟哭辭佛歸卧房書偈坐亡竟往生淨土

宋喻思淨居錢塘北關常誦觀音經念佛不輟善畫佛必先靜室觀想一日畫丈六彌陀佛先見佛光遂悟筆法之妙人因號喻彌陀建藍院名妙行飯雲水終其身滿三百萬人忽靜默端坐心想西方越七日臨終索香供佛跏趺而化異香經旬

宋僧知寶受業雪川覺華因聞自昔玠禪師夢設浴往生事遂發心開長堂浴二十年及建立佛像願求往生年八十一請衆啜茶言別遽聞鐘鳴一聲衆皆驚異即向西跏趺合掌凝望而化

晉沙門法顯勵節西天歷遊聖迹往投一寺犬小逢迎顯時遇疾主人上

座親事經理勃沙彌沙彌華言息慈為客僧覓本鄉齋食倏忽往還脚有瘡血云

往彭城吳蒼鷹家求食為犬所噬顯怪其旋轉之間而遊數萬里外方悟

寺僧並非常人也後隨舶還國故往彭城追訪得吳倉鷹具狀問之吞有

是事便詰餘血塗門之處顯曰此羅漢聖人血也當時見為覓食耳如何

遂損耶鷹聞慚悚即捨宅為寺自往揚都求諸經像正濟江中船遂傾側

忽有雙骨各長一丈道波騰漾奄入船中即得安流昇岬以事奏聞乃龍

齒也鷹求像未獲泝江西上暫息林間遇見婆羅門僧持此像行曰欲往

徐州與吳蒼鷹供養鷹曰必如來言弟子是也使付像將還至京詔令摹

取十軀皆足下施銘而人莫辨新舊任鷹承取像又降夢示其本相恰取

還得本像東還徐州每放異光

昔毗婆尸佛入涅槃後難陀佛弟子名華言善欲蓋爾時為大長者於辟支佛辟支華言

覺塔廟之中青黛塗壁而以畫作辟支佛像因而發願願我世生尊貴

家恆得端正身相金色值佛得道緣此善根發願功德後是以來九十一

劫不墮惡道天上人中身體端正有三十相豪華富貴快樂無極

勸善書卷十三

隋時凝觀寺僧法慶開皇三年造夾紵釋迦立像一軀舉高一丈六尺像

功未畢慶身遂卒其日又有寶昌寺僧大智死經三日而便蘇活遂向寺

僧說云於閻羅王前見僧法慶甚有憂色少時之間又有像來王前王遽

走下階合掌禮拜此像像謂王曰法慶造我今仍未畢奈何令死王自顧

問一人曰法慶合死未答曰命未合終而食料已盡王曰可給荷葉終

其福業也俄而不見大智蘇活為寺僧說之乃令於凝觀寺看之須臾之

間遂見法慶蘇活所說與大智不殊法慶蘇後常食荷葉以為佳味及取

餘食終不得下像成之後數年乃卒其像儀相圓滿屢放光明此寺雖廢

其像亦存

唐隴西李大安工部尚書大亮之兄也武德中大亮任越州總管大安自

京往省之大亮遣奴婢數人從兄歸至穀州鹿橋宿於達旅其奴有謀殺

大安者候其眠熟夜已過半奴以小劍刺大安項洞之刃著于牀奴因不

技而逃大安驚覺呼奴其不叛者奴婢欲拔刃大安曰拔刃便死可先取

紙筆作書畢縣官亦至因為拔刃洗瘡加藥大安遂絕忽如夢者見一物

叙置
絕妙
好文

長尺餘闊厚四五寸形似豬肉去地二尺許從戶入來至牀前其中有語曰急還我豬肉大安曰我不食豬肉何緣負汝即聞戶外有言曰錯非也此物即還從戶出大安仍見庭前有池水清淺可愛池西岸上有金像可高五寸湏臾漸大而化為僧被袈裟甚新淨謔大安曰被傷耶我今為汝將痛去汝當平復還家念佛修善也因以手摩大安頸瘡而去大安得其形狀見僧背有紅繒補袈裟可方寸許甚分明既而大安覺遂蘇而瘡亦復不痛能起坐食十數日京宅子弟迎至家家人親故來視大安為說被傷由狀及見像事有一婢在傍聞說因言大安之家初行也安妻使婢詣像工為造佛像像成以絳畫衣有一點朱污像背上當令工去之不肖今仍在形狀如郎君所說大安因與妻及家人共起觀像乃同所見無異其背點宛如補處於是歎異信知聖教不虛遂加崇信佛法彌設禮敬益增年算。

唐李邵者為葭萌縣令云其妻亡已八九年素不在京國忽因參選入京就於三洞觀側客院之中偶見其家亡婢自隣居而出熟視之果其婢小

勸善書卷十一

玉也以名呼之斂衽而至問其故即云某隨娘子在此已歲餘矣輒出買物逡巡即回即與報娘子矣邵待之食頃方至買果饗茶餅之屬奔馳還家良久延邵相見所居室兩間自有庭除少許既見敘存沒之事或泣或悲而頗令小玉看時節久之小玉報云來矣顏色憔悴語聲哽咽揖邵請去邵未出門有一少年張蓋而入邵匆遽避之小玉即引於簾後且立其妻迎少年拜亦不顧擲蓋於地化為大鑊水滿火起煙焰蓬勃少時即沸少年去大帽即牛頭神也將叉立於鑊前以叉叉其妻拋於鑊中號叫痛楚不久即爛骨肉分張尋亦火滅以叉挑其骨排於庭中張蓋而去其妻身亦復舊蘇而徐起泣謂邵曰平生罪業合受三年今已一年餘矣每日如此痛苦難言邵見其變化苦楚亦深悲歎問妻曰今既相見所須何物莫要作功德救拔不妻曰適令小玉相邀全為功德相託爾此處隣里有受苦者畫太乙天尊一身使得免罪知之數月無託人處今得君來將有離苦之望矣邵即於三洞觀中訪太乙天尊之像殿上有古本剥落厚以金帛名工畫之亦就觀設齋表祝只三日內事事周畢躬自檢校無暇

到妻所居功德既了方得往報見其所止已空屋矣留語隣母深祈太乙功德已得解脫往生矣昨日辰巳間與小玉俱去也邵每勸人作太乙天尊像其福報可以立待矣。

昔勾崇道有道行於蜀願以金三十兩鑄白馬老君聖像猶欠十兩忽一日焚香之際風吹一紙貼落得金如其欠數以成功德與華陽叅呂翼友善因言余去世日託送於東郊以烈火燎棺為惠也忽於送旅寢宿如常及明已脫矣肌體容狀宛然如生翼相送而大具薪火自控中而出颯熅盛烈人見崇道騰着焰燎之上冉冉向西而去。

唐絳州碧落觀有天尊石像高丈餘於龍朔中刺史李諶為母氏太妃追薦所造也上有文米刻字前有二道士來為使君篆刻其文云我二人天下名冢也約殿內四面封閉不得人窺只我二人在中候三日即畢使君從之二道士挈一布囊入自闔其門至三日開之只見白鴿一隻自門飛出及視篆文已畢餘一及字但有一畫不成而去使君神之

宋僧善榮四明小溪周氏入南湖觀室十六年閱歲經修期懺金書法華

楞嚴懺

八

相淨名圓覺光明諸經造彌陀像遇法會則拈施自畫水墨觀音求者便與宣公亡後三年忽取經像分施親故請衆普賢行法經彌陀經念佛聲中跣跌而化時以為赴宣公淨土之約弟子海印高行似之宋危道爰丹陽人先於諸寺造大像七軀務極精麗又冶金銅造無量壽佛像怒於眉間放大光明地皆金色像與爰記曰汝舍此身必生我國即於像前端坐而化。

梁武帝以天監元年正月八日夢檀像入國因發詔募往迎案佛遊天竺記及雙卷優填王經云佛上忉利天夏為母說法王臣思見優填國王遣三十二匠及賞梅檀請大目連神力運往令圖佛相既如所願圖了還返座高五尺在祇桓寺至今供養帝欲迎請此像時決勝將軍郝鸞謝文華等八十人應募往遵具狀祈請舍衛王曰此中天正像不可適遠乃令三十二匠更剋紫檀八圖一相即時運至午便就相好具足而像頂放光降微細雨并有異香故優填王經云真身既隱次二像現普為眾生深作利益者是也鸞等負第二像行數萬里備歷艱難難以具聞又渡大海

冒涉風波隨浪至山糧食又盡兩呼人眾及傳送者身多亡致逢諸猛獸
一心念佛乃聞像後有甲冑聲又聞鐘聲巖側有僧端坐樹下窻負像下
置其前僧起禮像騫等禮僧僧授澡灌令飲並得飽滿僧曰此像名三藐
三佛陀編知覺諸佛通稱金毗羅王金毗羅王佛之別名自從至彼大作佛事語
頃失之爾夜僉夢見神曉共圖之至天監十年四月五日騫等達于揚都
帝與百僚徒行四十里迎還太極殿建齋度人犬赦斷殺但是弓刀稍等
並作蓮華塔頭帝由此蔬食斷欲。

齊釋法匱出家於枳園寺誦經守素庀得觀施聚以造像供養一日還其
舊居又至空林復還枳園後三處考之皆見匱來中食實是一時而三處
焉是晚奄然而卒尸甚香軟衆咸悟其得果遂聞於帝帝親臨幸為設僧
供為管理殮葬觀施雲集仍以其錢起枳園寺塔

唐何幹妻劉氏年二十六歲生一男得兩周女方周滿忽夜夢入冥司
判決劉氏來春三月命終其夫與親屬咸問哭泣之忽一日自省遂命畫
士繪畫佛菩薩像一軸恭敬供養斷除葷酒晝夜躬對佛前精虔持念金

勸善言卷十三

剛般若經發願云惟願我佛慈悲增延世壽若滿四十五歲兒女皆有娶
嫁之期死入黃泉亦自瞑目至太和四年冬恰滿四十五歲一日遍告骨
肉親緣曰吾死期已至何幹以為鬼魅所纏不信有此至歲除日劉氏自
請大德沙門祇對三寶之前授以八關齋戒沐浴更衣獨處一室跏趺而
坐端然化去凜乎如生唯頂上熱而灼手凡四方士庶見者聞者無不歸
敬三寶。

宋臨安民張公子者嘗至一寺見敗屋內古佛無手足取歸莊嚴供事之
歲餘即有靈響其家吉凶事輒先告之凡二三十年建炎間金人犯臨安
張竄伏皆井似夢非夢見所事佛來與之別曰汝有難當死吾無策可救
緣前世在黃巢亂中曾殺一人其人今為丁小大明日當至此殺汝以報
不可免矣張怖懼明日果有人携矛臨井叱張令出既出即欲刃之張呼
曰公非丁小大乎其人駭問曰何以知我名氏具告佛語其人憮然擲刃
于地曰冤可解不可結汝昔殺我我今殺汝汝後世又當殺我何時可了
今釋汝以解之然汝留此必為後騎所戕且與我偕行遂令相從數日度

其脫也乃遣去丁生蓋河北民為金人募軍者

唐汝南周捨滯妻者戶部侍郎席豫之女也天寶中得暴疾危亟殆乳平生所有衣服悉捨為功德唯有一紅地綉珠綴背襠是母所賜意猶惜之未言其疾轉劇又命佛工以背檔於疾所鑄二軀佛未畢而卒初羣鬼搏撮劇明登大山忽聞背後有二人喚令且住群鬼乃遷延不敢動二人既至顏色滋黑灰土滿面群鬼畏懼莫不駭散遂引席氏還家聞家人踴哭二人直至屍前令入其中乃活二人即新鑄二佛也

唐聖善寺僧道憲俗姓元氏開元中住持於江州大雲寺法侶稱之時江州元刺史欲畫觀世音七鋪以憲練行委之勾當憲令元持齋潔已施諸綵色悉以乳頭香代膠偷極清淨元深嘉之事畢往預寧取材造文殊堂後成將還忽然墮水江流湍急同侶求拯無由憲墮水之際便思念觀世音見水底有異光久而視之見所畫七菩薩立在左右扶策而起遂得脫于難

宋有隨州知州妻石氏一日忽苦臂疼知州請醫命藥無所不至其臂疼

勸善書卷十三

十

愈甚殆不能堪忍也於是其子發心修佛凡一城之內佛像有手足不完者皆修之所費極不貲工未畢而臂疼頓除安貼如平時

宋張光贊者盩水石城山張羅漢之裔也以其善畫羅漢因以名之每於寺觀粧畫功德多歷春夏隨飲食其性謹慈守道不移如是五十餘年人皆敬重之甲午歲為賊所執迫令引頸凡數劒而頸不斷遂於積屍中臥至夜安見一老僧曰汝平生粧畫功德用心吾來救汝言訖闔目無所苦焉其劒痕人皆見之西方聖人思祐明顯有若是之徵耶

宋淳熙元年吳江長橋側居民鄭氏媪年八十餘歲獨處茅簷之下日丐于市頗為人所憐敝衣糲食之外蓄其贖錢於箴餅欲以畫觀音像夏四月鄰火延燒所積一空明日泣理故處於爐中得故餅略無壞缺而錢自鎔成寶像高一尺許冠衣瓔珞楊枝淨餅皆具工製妙巧塑匠驚歎以為不能及巨室王氏取去營一室嚴奉留媪事香火壽過百歲紹熙中猶存時明州民媪一事亦略相似蓋佛力不可思議而鄭媪素蘊其誠故能感通以成是像不假募鑄之力也

吳陸暉繫獄分死乃令人造觀音像冀得免死臨刑乃拈三易之皆然官問之故暉云恐是觀音慈力及看像頂上乃有三刀痕現因奏得免

宋靖康元年都城不靖皇弟肅王少宰張邦昌給事中沈晦皆將命使虜營為所執富州陳昱為僚屬携素所事沉香真武像偕行雖在囚繫中香火之敬甚謹及還京復被旨再行至燕山虜留肅王張丞相而遣昱晦還是夜夢真武授以兩符使遇急難時研朱書之汲淨水吞服若不暇吞則佩之更不得已則以手指畫於頭面四體亦可其文曰學曰及次京城已再被圍城上飛矢如雨胡騎復驅之不容避昱急畫二符於面及腹間矢從兩旁過略無所傷

隋陳玄範妻張氏精心奉佛恒願自作一金像終身供養有願莫後專心日久忽有觀世音金像連光五尺現高座上眾歎其精感所致

唐麟德中京師永興坊許儼取魚為業後患冥然若死身赤如火痛似火炙自云但見火車來燒身官府責取魚多遣生受罪已經數日乍生乍死親戚勸作功德遂造觀音像兩軀仍令合家不食酒肉遂差

勸善書卷十三

宋史雋素慢佛每見尊像恒輕謂之後因病脚痺種種祈福都無效驗其友人趙文謂曰佛能救濟苦厄不可侮也可試造觀音像儻以病急如言鑄像成夢觀音果得差

宋張逸為事至死預造金像朝夕祈命後坐罪臨刑刀折而項不傷官問其故答曰唯以禮像為業其像項上有二刀痕如血因得免死

嘉言

君子能勞後世有繼○業盛者報重○修善立名者亦猶築室樹果生則獲其利死則遺其澤○善人種德降祥於天○人有善願天必從之○善累積為福之種

諸佛滅度後供養舍利者起萬億種塔金銀及玻璃磚磔與瑪瑙玫瑰琉璃珠莊校於諸塔如是諸人等皆已成佛道○若於曠野中積土成佛廟乃至童子戲聚沙為佛塔如是諸人等皆已成佛道○若見塔廟毀壞當加修治命終生天作大梵王○真金百千萬持用行布施不如一團泥敬心治佛塔○彼佛如來滅度已供養舍利無厭足者已種種妙莊嚴建

立難思衆塔廟造立無等家勝形寶藏淨金為莊嚴此方便力不可盡是
故福報無盡極○諸佛滅後起七寶塔亦以華香供養舍利其家後身得
佛智慧成等正覺○百千車真金持用行布施不如一善心香華供養塔
○現在諸佛及佛滅後所有舍利具諸供養如是修集無量功德

○成就觀玄壇生大富貴身○廣造經像立觀度人普救一切生天王國
○立觀度人修齋布施福報深厚

感應

五代潼州白龍谷陶人梁氏世世以陶冶為業其家極豐腴乃立十室皆
燒瓦器唯一室所成最善餘九所每斷火取器率窳邪不正乃鬻于市則
人爭售之凡出盡然固莫知其所以也谷中故有祠曰白龍廟蓋因谷得
名靈響窳窳未為鄉社所敬梁夢龍翁化為人來見曰吾有九子今皆長
立未有依處公寄身於汝家窳下前此陶甄時往往致力陰助於汝梁曰
九窳之建初未嘗得一好器物常以為念何助之云龍曰汝一何不悟器
劣而獲厚利豈非吾兒所致耶梁方竦然起拜謝龍曰汝苟能與之創廟

異時又將獲大福矣許之而覺即日呼匠治材立新祠於舊址設老龍像
正中坐東西列九位以奉其子迨畢工居民遠近和會瞻禮歡悅其後以
充陽祈禱雨不移日而降梁之生理益富於昔

唐釋道遵姓張氏吳興人也夙負殊操潔士稱之榮耀不關於心聲塵不

染其性誓學天台一心三觀宗于佛乘因廣寫法華經於蘇州支硎山置

看經院一日發其心二日規其址作不逾序殿閣化成大曆元年州將常

元甫等共睹殊勝相與飛表詔特署法華道場自江以東建十七所皆遵

之力也復拉精行僧二七人常持此經以報上恩又鑄舍那像起多寶塔

造彌陀佛寫三大部經于道場後於靈巖行法華三昧忽睹光明上燭于

天遵身正念懺在光中異日問荆溪然師曰智慧光明從心流出非精志

之所致耶又於本寺八法華道場自睹此身在空中坐先證者知是游塔

之相師竟歸窳此山寺有益翰二師同夢大殿崩倒實道遵去之兆也

昔有一比丘名曰聰聰聞法欣悅即從座起為佛作禮長跪叉手白世尊

曰佛教真諦洪潤無量所以者何我念宿命無數世時波羅捺國為長者

子於大道邊作小精舍供給衆僧行路頓乏亦得止息緣此功德命終生天為天帝釋下生世間為轉輪聖王各三十六返典領天人足下生毛躡虛而遊九十一劫食福自然今值世尊願臨衆生蠲我愚濁安以淨慧生死裁枯彌曰真人福報誠諦其為然矣

唐台州臨海縣涌泉寺先是有任徵君礪行清白篤志堅高而又深信佛道多修善果有女子專誦蓮經一時經室中生青蓮華七本舉世希奇徵君見已善心內發即欲捨宅為寺尚冥密間時有懷玉禪師卓菴於樓石山相去不遠師於禪定中飛錫而來正遷徵君之庭君盡力挽出錫入地三尺泉水涌高三尺由此即以宅造寺請禪師開山說法住持因此彌涌泉院

隋天台山瀑布寺釋慧達姓王氏襄陽人幼年出家繕修成務或登山臨水或遊履聚落但據形勝之處皆措心營造安處寺宇為僧行道至仁壽年中於揚州白塔寺建七層木浮圖村石既充付後營立乃渡江西上至番禺豫章諸郡觀檢功德願與衆生同此福緣故其所到村邑見有坊寺

禪宇靈塔神儀無問金木土石並即率化成造其數非一晚為沙門惠雲邀請遂上廬岳造西林寺重閣七間鑿爐重疊光曜鮮華初造之日誓用黃穉闔境推求了無一樹皆欲改用餘木達曰誠心在此豈更餘求必其有徵松變為楠若也無感閣成無日衆懼其言四出追求乃於境內下巢山感得一谷並是黃楠而在窮澗幽深無由可出達尋行崖壁忽見一處冕有光明窺見其中可得通道唯有五尺餘並天崖遂牽曳木石至於江首途中灘覆牌筏並壞及至廬阜不失一根閣遂得成宏冠前構後忽偏斜向南三尺工匠設計取正無方有石門澗當閣南忽有猛風北吹還正于今尚存

昔佛在世時迦毗羅衛城中有一長者財寶無量不可稱計其婦生一男兒端正殊妙世所希有頭上自然有摩尼珠時父母因為立字名曰寶珠年漸長大見佛出家成阿羅漢果入城乞食時寶珠故在頭上城中人民怪其所以競來看之深自慚耻還歸所止白言世尊我此頭上有此寶珠不能使去今者乞食為人嗤咲願佛世尊見卻此珠佛告比丘汝但語珠

我今生分已盡更不須汝。如是三說珠自當去。比丘受教寶珠不現。時諸比丘請佛為說宿業因緣。佛告比丘。乃往過去九十一劫有佛出世。彌毗婆尸。入涅槃後。時彼國王名槃頭末帝。收其舍利。造四寶塔。高一由旬。而供養之。時彼國王入塔禮拜。持一摩尼寶珠。繫着塔頂。發願而去。緣是功德。九十一劫不墮三塗。天上人中常有寶珠在其頂上。受天快樂。至今值佛出家。得阿羅漢果。

昔佛在迦毗羅衛國。尼拘陀華言無節樹下。時彼城中有一長者。貯寶無量。不可稱計。無有子息。祠祀神祇。求索有子。精誠感應。足滿十月。生一男兒。端正殊妙。世所希有。家中自然有一泉水。從地涌出。有諸珍寶充滿其中。後

有華樹。天衣上服。懸之樹枝。時彼長者見其如是。喜不自勝。名諸相師。占相此兒。相師覩已。問其父母。此兒生時有何瑞相。父母答言。此兒生時。家中自然有一泉水。從地涌出。有諸珍寶充滿其中。及以樹上。有好天衣。因為立字。名眾寶莊嚴。年漸長。太稟性賢柔。慈心孝順。將諸親友。出城觀看。漸次遊行。到尼拘陀樹下。見佛世尊三十二相八十種好。光明善耀。如百

勸善書卷十三

十四

千日。心懷歡喜。前禮佛足。却坐一面。聽佛說法。心開意解。得須陀洹華言調流

果。歸白父母。求索入道。父母愛念。不能違逆。將詣佛所。求索出家。佛即告言。善哉。比丘鬚髮自落。法服著身。便成沙門。精勤修習。得阿羅漢果。三六通。具八解脫。諸天世人。所見敬仰。時諸比丘見是事已。前白佛言。今此眾寶莊嚴比丘。宿造何福。生便有是奇特之事。出家未久。復獲道果。爾時世尊告諸比丘。汝等諦聽。吾當為汝分別解說。乃往過去無量世時。彼羅捺國。有佛出世。號留孫陀。化緣周訖。遷神涅槃。時彼國王名梵摩達。多收捨舍利。造四寶塔。高一由旬。而供養之。時有長者。愛持華樹。懸諸珍寶。種種衣服。及以瓶水。安置塔前。發願供養。緣是功德。無量世中。不墮地獄畜生。餓鬼。天上人中。常有泉及以華樹。隨共俱生。乃至今者。值我得道。

昔佛涅槃後。阿育華言無憂王國。有迦羅越其人。福德世間希有。意有所須。應念即至。其家舍宅。七寶所成。閤內婦女。端正少雙。晝夜娛樂。快樂無極。其

人信心。恒常供養二萬餘僧。阿育王聞。便召見之。而語之言。聞卿大富。家有何物。即答王言。家無所有。王不信之。便遣人看使。至唯見門閤七重。舍

宅堂宇七寶莊嚴巍巍無量使入室中。不見餘物。唯見婦女端正少雙。使見即還。具以白王。王意漸解。時迦羅越知王解已。便於王前以手東拍。即時空中七寶雨下。不可限量。拍餘三方。亦復如是。王見乃知是大福德。王即拍寺請問此事。寺有上座得阿羅漢。三明六通。王問上座。此迦羅越宿植何福。所須自然。應念即至。上座答王。乃往過去九十一劫毗婆尸佛。入涅槃後。迦羅越爾時與其四人同共造塔。用心偏殷。造塔成已。復以七寶及最好華。上塔頭上。四面散下。而以供養。發誓願言。使我世世食福自然。恒不斷絕。緣是功德。後是以來。九十一劫。不墮惡道。天上人中。食福自然。快樂無極。

昔佛在世時。遣一羅漢名曰須曼。持佛髮爪。至罽賓國南山之中。造佛塔。寺中常有五百羅漢。旦夕燒香。遶塔禮拜。時山中有五百獼猴。見僧遶塔禮拜供養。即共負石。學僧作塔。速之禮拜。于時天雨。山水暴漲。五百獼猴一時沒死。生忉利天。七寶宮殿。巍巍無量。衣食自然。快樂無極。既得生天。各自念言。我等何緣得來生此。即以天眼觀見前身。作其獼猴。由學眾僧

戲笑作塔。山水所漂。命終生此。即共相將。齎持香華。從天下來。供養死屍。迴詣佛所。禮拜問訊。佛為說法。五百獼猴。一時皆得須臾涅槃。果已。還歸天上。獼猴學僧。戲笑作塔。尚獲福報。巍巍乃爾。豈況於人。信心造塔。寧無果報。

昔迦葉佛泥洹。

華言戒度英城

之後。以佛舍利起七寶塔。興敬供養。經歷數

世。塔彫壞無補治者。有義合邑九萬三千人。時瓶沙王為上首。告眾入曰。汝等各自勸勵。共造福德。佛世難遇。人身難得。難得為人。或墮邊地。生邪見舍。我等何為貪此俗樂。不如開意。治朽塔寺。即共修理。復共裝頓。設有福者。不墮三塗。及八難處。共生天人。見釋迦文初會說法。皆得度脫。以王為首。時人命終。生忉利天。經歷數世。釋迦出興。時九萬三千人。生摩竭國。瓶沙作王。

昔佛遊波羅捺

毗鹿時

五百幼童相結為伴。俱行戲於江水邊。聚沙為

塔。各自說言。吾塔甚好。卿毀吾作。其五百童。雖有善心。宿命福薄。天大暴

雨。江水卒漲。五百幼童。俱時溺死。父母號哭。求尸莫知。所在。佛言。宿命

勿生怨恨此諸兒等宿命應余令生兜率天佛放光明令此父母遠見其子尋時皆來散華供養佛言善哉因造沙塔即得生天見彌勒佛五百幼童各啓父母勿復憂愁但力精進速佛三匝作禮飛去

昔阿難白佛先何因緣分身舍利起八萬四千寶塔佛言過去有國王名波塞奇領閻浮提八萬四千國時世有佛名曰弗沙王與臣民供養於佛及比丘僧時王念言邊陲小國處所偏僻人民之類無由修福即召畫師圖畫佛像分布遠國咸得供養時諸畫師看佛相好適得一處忘失餘處不能得成時波塞奇王調和衆采自手畫像以為模楷諸師寫學畫八萬四千像分布八萬四千小國王皆得供養波塞奇王今我是也緣此功德身有三十二相涅槃之後得八萬四千諸塔

昔佛在世時舍衛城中有一長者名曰善賢財寶無量不可稱計其婦生女端正殊妙世所希有頂上自然有一寶珠光耀城內父母歡喜因為立字名曰寶光年漸長大體性調順好喜施予頂上寶珠有求乞者即取施與尋復還生父母歡喜將詣佛所心生喜樂求索出家佛告善來比丘尼

勸善書卷十三

十六

頭髮自落法服着身成比丘尼精勤修習得阿羅漢諸天世人所見敬仰時諸比丘見是事已請問因緣佛告比丘乃往過去九十一劫有佛出世號毗婆尸入涅槃後有王名曰梵摩達多收取舍利起四寶塔而供養之時有一人入此塔中持一寶珠繫着塔頂發願而去緣是功德九十一劫不墮惡趣天上人中常有寶珠隨共俱生受天快樂乃至今者遭值於我出家得道

昔月氏國王欲求佛道故作三十二塔為供養相一作之至三十二時有惡人觸王王心退轉如此惡人云何可度即時迴心捨生死向涅槃作第三十二浮圖以求解脫由是因緣成羅漢道是故此寺名波羅提木叉

華言
解脫

昔有一長者欲起塔寺材木悉斃唯少一瓦擬著柱下有一長者雖不奉佛猶知有福便以家中一擣衣石施之便得成寺其施石人命終即生第二天上七寶宮殿天女侍衛衣食自然如是久後其國磨滅無人修治寺都壞盡唯有一石沒在地中人民耕地石妨其犁舉意欲搗石主人其

心忪動。以天眼觀見人掘石。心中自念。我因此石福來生天。今人取去。福將無盡乎。便下化作凡人。往掘石人前問曰。君欲取此石去。其人荅曰。吾欲來耕地。值石妨犂。故欲去耳。天人問曰。設耕此地。種得數十斛耳。卿勿去此石。吾以五百兩金與卿。其人問曰。君得無是神乎。荅曰。吾是天人也。即復天身語其人曰。吾本是此土人耳。前身以此石與道人立寺。我因此福得生天上。受樂自然。向者天宮震動。怪其所以。觀見君是故來耳。此石是吾福之根本也。卿勿取之。其人聞之曰。本所不知。此是神明塔寺。天人福田。不敢犯也。天人還天上。其人思惟此天人但施此石。得福如此。吾當更立塔寺。便即興功修塔如故。

吳孫權赤烏四年。有外國沙門康僧會。創刹江表。設像行道。吳人以為妖異。以狀聞之。權召會問佛有何靈瑞。曰。佛晦靈迹。遺骨舍利。應現無方。權曰。何在。曰。佛神迹感通。析求可獲。權曰。若得舍利。當為興寺。經三七日。至誠求請。遂獲甌中。且呈於權。光照宮殿。權執甌瀉于銅盤。舍利下衝。盤即破碎。權大驚異。希有瑞也。會進曰。佛之靈骨。金剛不朽。劫火不焦。椎砧不

碎。權使力者盡力擊之。椎砧俱陷。舍利不損。光明四射。耀晃人目。又以火燒騰上踊。作大蓮華。權大發信。乃為寺。名為建初。改所住地。名佛陀里。後孫皓虐政。將欲除屏佛法。燔經夷塔。有臣諫曰。且少寬假。如無神驗。誅除不晚。皓從之。召會曰。若能驗現於目前。助君興之。如其不能。將廢加戮。會曰。佛以緣應。感而必通。既給假請。効不難。皓與期三日。于時僧眾百餘。同集會寺。皓陳兵圍守。刀鋸齊至。剋期就戮。僧恐無靈。有先自縊者。會謂眾曰。佛留舍利。正在今時。前已有驗。今豈罔哉。如期便獲。乃進於皓。此是如來金剛之骨。護使貫獲。擊以百鈞之杵。終無微毀。皓曰。金石可磨。枯骨豈堅。沙門面欺。祇速死耳。乃更置之鐵砧。以金椎擊之。金鐵並凹。而舍利如故。又以清水貯之。舍利揚光散彩。洞燭一殿。皓乃欣然大信。

昔過去九十一劫。毗婆尸佛。入涅槃後。四部弟子。起七寶塔。時彼塔中有佛像。面上金色。少處缺壞。有一貧女。遊行乞丐。得一金珠。見像面壞。欲補像面。迦葉爾時作銀金師。女即持往。倩令修造。金師聞福歡喜。為治用補像面。因共立願。願我二人常為夫婦。身真金色。生天人中。快樂無極。寂後

託生第七梵天。

宋輝中立號明智居南湖常以淨業誘人其徒介然創十六觀堂為東州之冠實師勉之也。一夕謂侍者曰。今聞異香。吾意甚適。即名觀堂行人俱集。含笑言曰。吾往生期至。即面西坐逝。

宋史朝請琳云。通判許州時。有路都監郭虞卿妻乳母禮塔數年。禮數將滿。嘗以薏苡記其數。薏苡忽自器中跳躑視之。舍利滿前。皆自薏苡中出。凡得數勺。須臾所禮銀塔中。靈光煥然。舍利如雨。又須臾乳媪兩膝生舍利無數。禮塔則舍利轉動。媪益勤不懈。數日失塔所在。

昔佛告阿難。乃前世過去迦葉佛時。入壽二萬歲。佛事終竟。復捨壽命。爾時有王名曰善頸。供養舍利起七寶塔。高一由延。一切衆生。然燈燒香。華繒繒供養禮事。時有衆女。欲供養塔。便共相率掃除塔地。時有狗糞汚穢塔地。有一女人。手撮除棄。復有一人。見其以手除地狗糞。便唾之曰。汝手以汚。不可復近。彼女逆罵。汝弊淫物。水洗我手。便可復淨。佛天人師。敬竟無已。手除不淨。已便澡手。繞塔求願。令掃除塔地。汚穢得除。令我世世。

勸善書卷十一

十八

勞垢消滅。清淨無穢。時諸女人掃塔地者。今此會中。諸女人是。爾時掃地。頽滅塵勞。服甘露味。爾時以手除狗糞。女者。今奈女是。爾時發願不與汚穢會。所生清淨。以是福報。不因胞胎臭穢之處。每因華生。以其爾時發一惡聲罵。言埋女。故今受是姪女之名。以道佛聞法得須陀洹果。

昔佛在世時。告五百阿羅漢。汝等各說前世宿行。所作功德。今得值我。得道因緣。時有阿羅漢名婆竭多。即從座起。白佛言。世尊。我念過去無央數劫。有佛出世。號曰定光。入涅槃後。分布舍利。起塔供養。法欲未時。有一貧人。無方自濟。膏薪為業。向澤來薪。遙見澤中。有一塔寺。甚為巍巍。即到塔邊。瞻觀形像。歡喜作禮。唯見狐狼飛鳥走獸。止宿之處。草木荆棘。不淨滿中。迥絕無人。復無行迹。無供養者。貧人觀見。心用愴然。而不曉知。如來神德。但歡喜誅伐草木。掃除不淨。掃訖。歡喜遊之。四作禮而去。緣此功德。命終之後。生光音天。衆寶宮殿。光明晃煇。於諸天中。巍巍最勝。不可計量。盡其天壽。而復百返。作轉輪王。七寶自然。王四天下。後復壽盡。常生國王大姓長者家。財富無量。顏容端正。殊妙無雙。人見歡喜。無不愛敬。欲行。

之時道路自淨虛空之中雨散衆華婆竭多言貧負人有今我身是由昔掃塔生處自然一阿僧祇九十劫中不墮惡道天上人間富貴尊榮封受自然快樂無極今寤後身值釋迦佛捨豪出家得阿羅漢三明六通具八解脫若有人能於佛法僧少作微善如毛髮許所生之處受報弘大無有窮盡。

昔舍衛國中有一長者造立塔寺後時命終生忉利天其婦晝夜追憶夫故愁憂苦惱以憶夫故常掃治夫所造塔寺夫下觀見即來婦所問訊安慰而語之言汝憶我故大憂愁耶婦即語言汝為是誰夫尋答言我是汝夫以作塔寺功德因緣得生天上見汝憶我修治塔寺故來汝所婦言近我夫即答言人身臭穢不復可近汝復欲得為我妻者勤供佛僧修掃塔寺願生我天若得生天我必當還以汝為妻婦用夫語作諸功德發願生天其後命終得生天上還為夫婦夫婦相將來至佛所佛為說法夫婦並得須陀洹果既得果已還歸天上。

昔呬叉始羅國屬北印度王都城北十二里有月光王塔於齋日常放神

光仙華天樂近有癩者於塔禮懺除穢塗香不久便愈身又香潔。

西晉太康二年有并州離石人劉薩訶者在田家弋獵為業病死復蘇云見一梵僧語訶曰汝罪重應入地獄吾憫汝無識且放汝今洛下齋城丹陽會稽並有古塔及浮江石像悉阿育王所造可勤求禮懺得免此苦既醒之後改革前習出家學道更名慧達如言南行至會稽海畔山澤處處求覓莫識基緒達悲寒煩冤投造無地忽於中夜聞地下鐘聲即記其處刺木為刹三日間忽有寶塔及舍利從地涌出靈塔相狀青色似石而非石高一尺四寸方七寸五層露盤似西域于闐所造面開窓子四周天全中懸銅磬每有鐘聲疑此磬也遶塔身上並是諸佛菩薩金剛聖僧雜類像狀極微細瞬目注睛乃有百千像現面目手足咸具備焉見者莫不下拜念佛生善齋戒終身其舍利者在木塔底其塔在側多有古迹。

昔佛在世時迦毗羅衛城中有一長者其家巨富財寶無量不可稱計生一男兒容貌端正世所希有身諸毛孔出栴檀香後其口出優鉢華香父母見已歡喜無量因為立字名栴檀香年漸長大求佛出家得阿羅漢果

比丘見已。而白佛言。此栴檀香。宿植何福。生於豪族。身口出香。又值世尊。出家得道。佛告比丘。乃往過去九十一劫。毗婆尸佛。入涅槃後。時有王名。擊頭末帝。收其舍利。造四寶塔。高一由旬。而供養之。時有長者。入佛塔中。見地破落。和泥塗治。以栴檀香。全散其上。發言而去。緣是功德。從是以來。九十一劫。不墮惡道。天上人中。身口常香。受福快樂。乃至今者。遭值於我。出家得道。

昔阿育王。自於境內。立千二百塔。王後病困。有一沙門省王病。王言。前為千二百塔。各織金縷幡。欲手自懸。幡散華。始得成辦。而得重病。恐不遂願。道人語王言。王好又手一心。道人即現神足。應時千二百寺。皆在王前。王見歡喜。便使取金幡。金華。懸諸刹上。塔寺低昂。即皆就王手。王得本願。身復病愈。即發大誓。延壽二十五年。故名續命神幡。

昔有一天女。坐一蓮華上。縱廣百由旬。此華獨妙。殊於餘者。所欲資生之具。隨念皆從華出。進止隨身。目連問言。作何善行。受報如此。天女答言。迦葉佛滅度後。遺全身舍利。與佛諸弟子。建七寶塔。高廣四十里。時我作女人。出見寶塔中像。信敬情發。念佛功德。脫頭上華。奉獻於像。

昔佛泥洹後百年。山中田澤草木茂盛。山外不遠有居人村。牛馬入池。生五色蓮華。牧牛小兒。入池。采取滿器蓮華。持出山際。欲以上佛。未至於寺。道逢群牛。觸殺小兒。其神即生。忉利天上。自然宮殿。五色蓮華。始生天中。而自念言。吾宮獨有異色蓮華。但諸天法。先觀宿命。因緣。後乃食福。即見前天相謂。此天報來。共相娛樂。云何惶惶不安。便往問之。答曰。吾本是牧牛小兒。采蓮華。欲散佛塔。中道無常。緣是之福。來生此耳。是以今摘華。復欲詣先塔。散佛禮拜。卒我本願。時五百天人。執持蓮華。相隨散佛塔。緣是之福。彌勒下時。當共得道。

昔佛在世時。迦毗羅衛城中。有一長者。財寶無量。不可稱計。其婦生男。端正殊妙。世所希有。年漸長大。有好音聲。令眾樂聞。值佛出家。得阿羅漢果。諸比丘等。請佛為說。得道因緣。佛告比丘。乃往過去九十一劫。有佛出世。號毗婆尸。入涅槃後。有國王名擊頭末帝。收取舍利。造四寶塔。高一由旬。而供養之。時有一人。見此塔故。心懷歡喜。便作音樂。以遊供養。發願而去。

緣是功德。九十一劫不墮三塗。天上人中常好音聲。令衆樂聞。乃至今者。遭值於我。出家得道。

晉大興中於潛董汪信尚木像夜有光明。後像側有聲按地。視乃舍利。水中浮沉。五色見。昱右行三匝。後沙門法恒看之。遂騰踊高四五尺。按恒懷中。恒曰。若使恒興立寺宇。更見威神。又躍于前。於是恒建寺塔於潛。入法者日以十數焉。

昔佛在世時。述毗羅衛城中。有一長者。財富無量。不可稱計。其婦生一肉團。長者見已。心懷愁惱。謂為非祥。往詣佛所。請問吉凶。佛告長者。汝莫疑怪。但好養育。滿七日已。汝當自見。時長者聞是語已。喜不自勝。還詣家中。勅令贍養。七日方滿。肉團開敷。有百男子。端正殊妙。世所希有。年漸長大。值佛出家。得阿羅漢果。諸天世人。所見敬仰。時諸比丘見已。請說得道因緣。佛告比丘。乃往過去九十一劫。有佛出世。號毗婆尸。入涅槃後。時彼國王。名槃頭末帝。收取舍利。造四寶塔。高一由旬。而供養之時。有同邑一百餘人。作倡伎樂。各持香華。供養彼塔。各共發願。以此功德。使我來世。所在生處。共為兄弟。發是願已。各自歸去。佛告比丘。欲知彼時同邑人者。今此一百比丘。是由於彼時。誓願力故。九十一劫。不墮三塗。天上人中。常共生。受天快樂。乃至今者。遭值於我。故復同生。出家得道。

勸善書卷一

昔佛在舍衛國祇樹給孤獨園。時彼城中。有一長者。財寶無量。不可稱計。選擇高門。娶以為婦。種種音樂。以娛樂之。足滿十月。產一男兒。端正殊妙。須漫華衣。與身俱生。召諸相師。占相此兒。相師覩已。問其父母。此兒生時。有何瑞相。父母荅言。有須漫華衣。裹身而生。因為立字。名須漫那。體性賢柔。慈心孝順。年漸長大。衣亦隨大。父母愛念。便將小兒。與阿那律。尊者令

作沙彌。教使坐禪。未久之間。得阿羅漢果。三明六通。具八解脫。諸天世人。所見敬仰。時那律。勅沙彌言。汝今可往。拔提河邊。取淨水來。尋往彼河。盛

滿瓶水。擲虛空中。隨後飛來。時諸比丘。見是沙彌。歎未曾有。白佛言。世尊。

今此須漫那沙彌。宿植何福。生巨富家。須摩那衣。華衣須漫隨身俱生。出家

未久。獲阿羅漢果。爾時世尊。告諸比丘。汝等諦聽。吾當為汝分別解說。乃

往過去九十一劫。皮羅捺國。有佛出世。號毗婆尸。教化周訖。遷神涅槃。時

有國王名梵摩達多。收其舍利。造四寶塔。而供養之。時有童子。見彼塔。故心生欣樂。即便出家。年至老老。空無所獲。深自剋責。買須漫華。縷貫之。遍覆塔上。發願而去。緣是功德。九十一劫不墮地獄。畜生餓鬼。天上人中。常有須漫華衣。與身俱生。受天快樂。乃至今者。遭值於我。出家得道。

唐合州慶林觀。多年摧朽。殿宇不修。穿漏尤甚。兩滴太上尊容。刺史楊師謨。夢太上示見。而左目有泪痕。乃巡謁諸觀。朝禮功德。至慶林。驗尊像。左目前漏滴之痕。宛若垂泪。因刻雜音。荒蕪。恢張制度。創兩殿二樓。重門邃宇。壯麗華盛。冠絕一時。既畢。復夢太上謂之曰。子以崇葺之功。上節。玄府。當流化十郡矣。其後師謨恩寵日隆。凡典一十一郡。壽九十而終。

唐益州唐隆縣大通觀。晉義熙元年乙巳。建置。周末摧殘。僅存基址。武德中。邑人呂細。因過其地。遇一道士。乘青驢。自天而下。於觀基之內。盤迴拍畫。良久升天。呂細與范仲良。同受其教。即日共出金帛。特造觀宇。有紫微閣。高八十餘尺。尤為宏壯。太尉南康王。岸臯。再加修飾。其側有市城觀。在縣西南八里。有石像天尊一十三身。高一丈三尺。後感天人下降。謂之曰。汝造觀功德。名著仙籍。吾每至齋月吉辰。當一下觀。自是鐘或自鳴。夜有神燈。或晝有仙人來往。遠近共知焉。

勸善書卷一三

二二

唐夔州開元觀。却倚小坡。形勢高爽。元置之。四面通街。其後居人所侵。基地漸狹。大毀之後。便逼居人私舍。亦有州司勢要。占地造宅。道士明知其事。未嘗敢言。主觀道士。夢天上官吏三五十人。自空而下。集於殿前。即喚此道士。問觀地疆界。答云。某後生。晚長。自主觀來。祇據見在而已。據老人所言。此觀元置有御容。四面通街。以防水火。今去街極遠。盡隔人家。官人點頭曰。實然。又見一人云。是地司所說亦同。有朱衣吏一人進曰。此事不煩躬親指說。但據刺史溫璋。即得。忽見令人往傳處。言說身空。而去。明日刺史忽入觀行。登天尊殿上。碩問道。流此觀形勢。布置不合隘窄。如此。何得側近。便有人戶居住。道流遂巡。未敢祇對。溫曰。我已知之。即令懸榜發遣居人。四面以官街為界。併追所侵。占堂住地者。計所侵年月。納租。三月遷者免納。過期追納。充版築垣墉。修飾屋宇。六十餘日。觀復舊制。溫夜夢青童降曰。汝本今歲當死。以汝有整理常住之功。增賜三歲之壽。

殺人則止得一歲溫乃益務備善後果符童子言。

嘉言

不矜細行終累大德。為山九仞功虧一簣。○凡百君子各敬爾身胡不相畏。不畏于天。○君子慎以避禍。○毋不敬儼若思。○豢豕為酒非以為禍也。而獄訟益繁。是酒之流生禍也。○臨財毋苟得。臨難毋苟免。○安樂必戒無所行悔。○致齋於內散齋於外。齋之日思其居處思其笑語思其志意思其所樂思其所嗜。○唯酒無量不及亂。○君子有三戒少之時血氣未定戒之在色及其壯也血氣方剛戒之在鬥及其老也血氣既衰戒之在得。○譬如為山未成一簣止。吾止也。譬如平地雖覆一簣進吾往也。○是故君子戒慎乎其所不覩恐懼乎其所不聞。○莫見乎隱莫顯乎微。故君子必慎其獨也。○君子無不敬也。○身為大。○君子以仁存心以禮存心。○敬德之聚也。能敬必有德。○官怠於宦成病加於小愈。禍生於懈惰。孝衰於妻子。察此四者慎終如始。○大禹聖人乃惜寸陰。至於衆人當惜分陰。○君子存誠克念克敬。天君泰然百體從令。○靜而能敬則無思。

勸善書卷十三

二十三

慮紛紜之患動而能敬則無舉措煩擾之患。○小心謹畏動遵禮法不愆舊章。○所宜得天。必獲嘉應。○身不涉危而長保富貴。○戒於近者未侈於遠。○不以事物撓耳目聲色敗性情由是和平自生福祿用昌。○慎終如始。終始如一。夫是謂之大吉。○敬義夾持動靜交養則人欲無隙之可入。天理皦乎其昭融。○內無妄思外無妄動。○君子之遇事無巨細一於敬而已。○簡細故以自崇非敬也。飾私智以為奇非敬也。○樂驕樂則侈肆而不知節。樂佚遊則惰慢而惡聞善。樂宴樂則淫溺而狎小人。○惟日夜孜孜無敢逸豫。○懲忿如救火。窒慾如防水。○不自重者取辱不自畏者招禍不自滿者受益不自是者博聞。○心無妄思足無妄走人無妄交物無妄受。○脩身莫若敬。避強莫若慎。○身須擇行口須擇言。○君子防未然不豫嫌疑。○瓜田不納履李下不整冠。○坐密室如通衢。○馭寸心如六馬。○制水者必以隄防。制性者必以禮法。○遠非道之財戒過度之酒。○心要在腔子裏。○慎重則必成。輕發則多敗。○守口如瓶防意如城。○尺璧非

寶寸陰是競。

賢人智者齋戒奉道如星中月照明世間○持齋修善以避凶衰○明人能護戒能得三種樂名譽及利養死得生天上○精進持淨戒猶如護明珠○喜持戒者所生端正人中家勝○拔苦與樂必須崇戒○凡夫持戒上生善處○戒能開發菩提心學是勤修功德地於戒及學常順行一切如來亦稱美○若人能持淨戒是則能有善法○若無此戒諸善功德皆不得生○當尊重珍敬波羅提木叉律也戒如暗遇燈負人得寶○戒如明月亦如瓔珞珠微塵菩薩衆由是成正覺○戒是無上菩提本應當具足持淨戒若能堅持於禁戒是則如來所讚歎○荷道佩德繫仁負義奉持淨戒死而後已○心觀善惡心知畏忌畏而不犯終吉無憂○持戒之者凡於冤親無生愛惡不得嫉妬而嫌忌○守戒無為清淨一心則萬邪滅矣○戒為入聖之初門出俗之正路○戒為甘露道放逸為死徑○五戒十善陰自修者而父益其善子益其孝夫婦兄弟益其和○積備苦行堅持戒律捨惡從善死後生天○見聞各異好惡隨之和競從之得失成之是以聖人動止有戒○奉戒不輟辱世世善結緣○道以

勸善書卷十一

二四

齋為先慈行登金闕身飛昇玄都七祖咸解脫○若以修持要乎貞確行合規矩道位遷昇○勤修功德建立福田清齋念道真詣善緣○備奉清戒常行大慈於此不退可得拔度五道不履三惡長齋奉戒自得度世○能發道意受持十戒可得為上清真人○若能持戒始終無虧則天道佑之神明輔之○施善行戒神即佑之○修齋持戒宗奉天文五帝所舉名書玉曆○戒是衆生城郭依棲屋宅能受持者善神擁護福及其身○善能受持九真妙戒當消九幽大罪標名九宮誠一者敬讓孝養父母二者克衆生四者不誣賊身傷物五者不盜推至親已六者不噴犯怒凌人七者不許誑賊言善八者不驕傲失義九者不二奉戒專一○敬信奉十戒燒香恒明燈功消十轉報位得及飛天○不殺不盜不嫉不妬者生長命身○凡戲無益惟勤有功○勤為無價之寶慎是護身之符○大辯若訥大巧若拙澄心清淨可以安神諛口多言自亡其身○寡言則省謗寡慾則保身○鑑明者塵埃不能汚神清者嗜慾不能瞶○怒甚偏傷氣思多太損神神疲心易役氣弱病相縈勿使悲歡極當令飲食均再三防夜醉第一戒晨真○食澹精神爽心清夢寐安○戒眼莫着他非戒口

莫談他短。戒心莫恣貪。嗔戒身莫隨惡伴。○機不察禍先發。

感應

宋袁州天慶觀主首王自正。病傷寒旬餘。四支乍熱乍冷。頭重氣塞。唇寒面青。累日不能食。勢已甚危。袁州惟一醫徐生。能治此疾。診之曰。脉極虛。是為陰證。必服桂枝湯。乃可留藥。未及煮。若有語之曰。何故不服竹葉石膏湯。王回顧不見人。遂惑焉。急遣邀徐醫還。告曰。或教我服此藥。如何。徐曰。一藥寒燠。如水炭。君之疾狀已危。方酬荅。次復聞耳傍人云。何故不肯服竹葉石膏湯。自正益悚。伺徐去。即買見成藥。兩貼煎服之。先時頭不能舉。若戴物千斤。倏爾清涼。唇亦漸暖。咽膈通暢。無所礙。遂悉服之。少頃汗出如洗。狂睡及平旦。脫然如常。自正為人謹飭。常茹素。與人齋醮。盡誠。故為神所佑如此。

後魏元道康。字景怡。居林慮山。肅持齋戒。靜掩衡茅。不下山間。踰二十年。服木被荷。以娛其志。高歡為相。前後三辟。皆不起。道康為時方亂。不欲應之。及高洋又徵不就。道康書齋。嘗有雙鷲為巢。感無不至。道康以連徵

勸善書卷十三

二十五

不起。有懼見抑。不覺咨嗟。是夕秋月朗然。清風颯至。道康向月微吟。忽聞鷲呼。康字云。景怡。卿本澹然為樂。今何愁思之深也。道康聞之。驚異。又曰。鷲呼。景怡。樂以終身。道康曰。爾為禽。而語何巢我。屋鷲曰。我為上帝所罰。輒為禽耳。以卿盛德。故來相依。道康曰。我忘名利。不信人間。所以閉關服道。寧昌其德。鷲曰。今海內棲隱。盡思名譽。獨卿之道卓然。置外。所以神祇欽屬。萬靈歸德。道康曰。爾既有殊異。交我物外。何不化人。受教行善。鷲曰。我來日午時。往前溪相報。遲明。道康乃策杖南溪。以俟。及晝。果見一鷲。自北嶺飛來。投澗而下。一化為青衣童子。一化為青衣女子。前謂道康曰。我今即歸。以卿命來此。然無以留訣。卿有隱操。幽陰見嘉。卿壽更四十歲。以此相報。言訖。復化為鷲。南去。不知所詣。時道康已年五十一。後果年九十而卒。

昔迦葉佛滅度之後。遺法垂末。有二梵志。到比丘邊。俱受八戒。一願生天。一願作國王。願生天者。至家為婦。逼非時食。由破戒故。乃生龍中。願作王者。持戒完具。得生王家。作大國王。其王國中。多有甘果。常遣一人。隨時着

送其人後時於園泉中得一果赤色甚美持於門監展轉奉王王食此
柰甚覺甘美便問夫人展轉相推到於園監王即喚來而責之曰如此美
柰何為不送園監於是具陳本末王頓語言自今以後常送斯柰園監啓
王此柰無種何由可辦王復語言若不能得當斬汝身其人還園舉哀大
哭時有一龍從泉而出變身為人問其哭由園監具說龍聞入水即以金
幣盛柰與之遣持奉王并說吾意云吾及王本是親友乃昔在世時俱為
梵志共守八戒各求所願汝戒完具得為人王吾戒不全故生龍中今欲
奉修八齋戒法求捨此身當為吾覓八戒齋文持來與我若其相違吾覆
汝國用作大海園監奉柰具說龍意王聞甚憂良由時世無有佛法齋法
難得王勅一臣龍索齋法仰卿得之若不得者吾當殺卿大臣至家甚懷
憂愁臣父見子面色不悅問知委由其父語言吾堂柱今日忽放光明試
破之看必有異事尋即破之得經二卷一是十二因緣二是八關齋文得
已奉王王得歡喜自送與龍龍得此經便用好寶贖贖於王王及於龍重
修八戒壽盡生天同共一處至釋迦佛出世之時來至佛所佛為說法二

天俱得須陀洹果既得果已還歸天上

昔佛在世時佛與阿難入毗舍離城時到乞食有一王子字鞞羅羨那與
諸婢女在高樓上共相娛樂佛聞樂音語阿難言我知此人却後七日必
當命終若不出家或墮地獄阿難聞已即往教化勸其出家王子聞勸於
第六日求佛出家一日一夜修持淨戒即便命終生四天王為北天王毗
沙門子

唐新羅國大僧統釋慈藏俗姓金氏新羅國人年過八歲性尚澄簡厭世
高榮情欣方外獨靜行禪不避虎兇持戒不羣慈救為先深隱山居求往
絕粮便感異鳥各啣諸果就手送與鳥於藏手同共食之時至必爾初無
乖候行感玄微罕有繼者而常懷感感慈哀含識作何方便令免生死遂
於眠寐見二丈夫曰卿生幽隱欲何為利藏曰唯為利生乃授藏五戒訖
曰可將此五戒利益衆生又告藏曰吾從叨利天來故授汝戒因騰空滅
於是出山國中士女受戒無窮至貞觀十二年來至唐國既至京城慈利
羣生後受戒者日有千計或盲者見道病者得愈又樂靜夏坐奉劫雲際

寺安居三夏見大鬼神其數無量帶甲持杖云將此金輦迎取慈藏復見大神與之共闘拒不許迎藏聞鼻息暗氣塞谷蓬勃即就繩床通告訣別其一弟子又被鬼打幾死乃蘇藏即捨衣鉢行僧德施又聞香氣遍滿身體神語藏曰今者不死八十餘矣至十七年還歸本國具行佛教一同大國王請於皇龍寺講菩薩戒本七日七夜天降甘露雲霧電雷覆所講堂四部驚嗟羨聲彌遠遂爾示寂

唐僧道宣丹徒錢申子年十五即離俗所業誦法華等經莫不通力十六落髮受具專學毗尼辯言師三夜皆夢一食唯菽蚤蟲縫生形同土木誦經必感神物奉華果供天饌或失足前階而那叱扶護或築寶壇而神僧禮讚自乾封以後夫人絡繹而來共師談論律相等事故師所著疏鈔得佛元意以其通神明而然也天下後世宗之其道防非止惡世謂南山教者是也

唐王法進絳州人也幼而好道十餘歲受正一延生小錄專勤香火齋戒護持時有感應忽三青童降法進庭謂曰上帝以汝歸心精誠勅我迎汝

勸善書卷十三

二十七

不覺騰身凌空徑達帝所賜以玉杯霞露徐諭之曰人處三才之大體天地之和得人形生中土甚不易也天運四時之氣地稟五行之秀生五穀百果以養人不知天地養育之恩輕五穀賤絲麻使耕夫織婦身動不得飽力竭不禦寒此神明所責天地不佑近者微瀆上奏已敕太華之府收五穀之神責罰飢饉以懲其心然大道好生務先救物雖天地神明責之愚民豈知其過所自故無懺請首原之路今令汝歸世諭民使其悔罪實愛農桑亦汝之陰功也命侍女以靈寶清齋告謝天地儀付之使傳於世曰龍虎之年復當名汝後法進以天寶十一年壬辰復昇天

齊梁州薛河寺釋僧遠為性疎誕不脩細行好逐流宕歡讌為任後至武平三年夢見大人切齒責之曰汝是出家人面目如此放縱造惡何不取鏡自照遠忽覺驚悸流汗至曉以盃水自照乃見眼邊烏點謂是垢汙便洗拭之眉毛一時隨手落盡因自咎責乘此殃譴遂改常習反形易性弊衣破履一食長齋遵奉律儀昏曉行悔悲淚交注經一月餘又夢前人含笑謂曰知過能改是謂智人救汝前愆勿復相續忽驚喜流汗遍身面目

津潤眉毛漸出遂於一身頗感兩報信知三世苦樂不虛自後竭情時不
暫怠鄉井所歸卒於本土。

昔有人名薩薄聞外國有異寶欲往治生而二國中間有羅刹羅刹鬼名其鬼能食人不可得過薩薄遊行見市西門有一道人空床上坐云賣五戒薩薄

問言五戒云何答曰無形直口授心持後得生天現世能却羅刹鬼難薩薄欲買問賣幾錢答金錢一千即就受竟語言卿向外國到界畔上羅刹

若來卿但語言我是釋迦五戒弟子薩薄少時到二國中間見有羅刹身長一丈三尺頭黃如蓑眼如赤丁舉體鱗甲更互開口如魚鼓鰓仰接飛

鷲踏地浚膝口熟血流羣衆數千投薩薄薩薄言我是釋迦五戒弟子羅刹聞此永不肯放薩薄聊以兩拳投之拳入鱗甲拔不得出又以脚踏頭

一切悉被羈但當去就死跳跟復何為薩薄志意猶固以偈語羅刹曰我身及手足一時雖被繫搆心如金石終不為汝槐羅刹又語薩薄曰吾

是鬼中王為人多膂力後束食汝輩不可得稱數但當去就死何為自寬

勸善書卷十三

二十八

語薩薄更欲罵怒有念此身輪迴三界未曾乞人我今當乞此羅刹作頓飽食即說偈曰我此腥臊身父欲相去離羅刹得我便悉持以布施志求摩訶乘果成一切智羅刹聰明解薩薄語便生愧心放薩薄去長跪合掌向其謝曰君是度人師三界之希有志求摩訶乘成佛當不久是故自歸命頭面禮稽首羅刹悔過竟送薩薄至外國大得珍寶又送還家大修功德遂成道迹。

後周僧崖居益州持齋戒發心燒五指萬人擁觀謂弟子曰我去後好供養病患醜陋人此皆佛菩薩權化也坐亡之時衆見寶華紛紛師披執錫口唱佛號與數十僧乘空而去。

昔有清信士持戒精進不懈有一沙門已棄重擔生死永盡速得神通與共親友時清信士卒得困疾醫藥不治婦大悲苦謂其夫言共為夫婦獨受苦以何方便令病令輕設卿無常我何所依兒子孤單後何恃怙夫

聞益懷愛戀大命將至應時即死魂神即還在婦鼻中化作一蟲婦大啼哭不能自止時道人往與婦相見故欲諫喻令捨愁憂婦見道人來益用

悲慟奈何和尚夫婿已死。蟲從鼻涕忽然墮地。婦即慚愧。欲以腳踏道人。告曰。止。止。莫殺。是卿夫婿化作蟲。婦曰。道人。我夫奉經持戒。精進難及。何緣壽終。轉形作此。道人答曰。過起愛戀。今生為蟲。道人為蟲。說經。卿精進奉經持戒。福應生天。見諸佛。但生思愛戀慕慕之想。墮此蟲中。即可慚愧。蟲聞意解。便自剋責。俄而命終。即得生天。

昔有人不信罪福。年已五十。夢見殺鬼欲來取之。眠覺惶怖。求師占夢。師作卦地。云有殺鬼。必欲相害。不過十日。若欲禳此。從今已去。十日中午。受佛五戒。燒香然燈。懸繒幡。蓋信向三寶。可免此死。即依此法。專心信向。殺鬼到門。見作功德。不能得害。鬼即走去。其人緣斯壽滿百歲。死得生天。

昔優婆塞嫁女與世間人。臨遣女時。父母欲奪女戒。女言。云何奪戒。父母言。法嫁女與世俗人。如黃金擲牛屎中。復用戒為女言。知人遠行。大空潭中。無有人。民應益裝糧食。世家事鬼。恐鬼懂得。我便應益持戒。令志堅固。黃金往牛屎中。洗自可用。豈便與牛屎同耶。父母感其言。以佛像與之。女置巖器中。朝暮向器作禮。婿問婦。答是佛。能令頭不白。顏色常好。婿同供

養。後同生天上。不更三塗。

勸善書卷十三

二十九

昔印土有一善人。虔奉佛戒。一兒出外。父母囑曰。堅持五戒。不得虧犯。至於外國。因遇親友苦勸。遂飲。然後歸家。父母聞之。以謂違教。非孝子也。遂即趕出。復至他邦。宿噉人鬼。婦家雖破一戒。尚四戒在。天神護之。鬼不能食。即與鬼婦。父母說佛戒。法領同見佛。

晉沙門支法衡。得病旬日而亡。經三日復蘇。說死時有人將去。見如官曹舍者。數處不肯受之。俄見有鐵輪輪上有鐵爪。從西轉來。無持引者。而轉駛如風。有一吏人呼罪人當輪立。輪轉來轢之。須臾之間。數人碎爛。吏呼衡道入。來當輪立。衡恐怖自責。悔不精進。今當此輪乎。語畢。吏謂衡曰。道人可去。於是仰首見天有孔。不覺倏爾上昇。以頭穿中。兩手搏兩邊。四向顧視。見七寶宮殿。及諸天人。衡甚踴躍。不能得上。疲而復下。所將衡去人。笑曰。見何等物。不能上乎。乃以衡付船官。船官行船。使為拖工。衡曰。我不能持拖。強之。有船數百。皆隨衡。後衡不曉捉拖。撞沙洲上。吏司推衡引道。失當。以法應斬。引衡上岸。雷鼓將斬。忽有五色二龍。推船還浮。吏乃原衡。

罪載德北行三十許里見好村岸有數萬家云是流人。衛竊上岸。村中饒犬。互欲噬之。衛大恐懼。望見西北有講堂。上有沙門。甚衆。聞經唄之聲。衛遽走趣之。堂有十二階。衛始躡一階。見亡師法柱踞胡床坐。見衛曰。我弟子也。何為而來。因起臨階。以手巾打衛面曰。莫來。衛甚欲上。復舉步登階。柱復推令下。至三乃止。見平地有井一口。深三四丈。博無隙際。衛心念言。此井自然。井邊有人謂曰。不自然者。何得成井。衛見法柱。故倚望之。柱謂衛曰。可還去。犬不噬汝。衛還水邊。亦不見向來船也。衛渴欲飲水。乃墮水中。因便得蘇。於是出家持戒。菜食晝夜精思。為至行。沙門比丘法橋。衛弟子也。聞衛此說。親為記之。

宋錢塘袁氏。因往靈芝受菩薩戒。即斷葷酒。進修淨業。一家皆服其化。二十年不渝初志。一日病中。請圓淨律師說法。忽見佛菩薩衆現前。於是端坐而化。異香滿室。

晉長安釋慧鬼。自幼出家。從師精意釋典。戒行澄潔。多栖處山谷。修禪定之業。有一無頭鬼來。鬼神色無變。乃謂鬼曰。汝無頭。便無頭痛之患。何

勸善書卷十二

二十

畏哉。鬼便隱形。復作無腹鬼來。但有手足。鬼又曰。汝既無腹。便無五臟之憂。一何樂哉。須臾復作異形。鬼皆隨言遣之。後冬時天甚寒雪。有一女子來求寄宿。形貌端正。衣服鮮明。姿媚柔雅。自稱天女。以上人有德。天遣我來。以相慰諭。鬼執志貞確。一心無擾。女遂凌雲而逝。碩歎曰。海水可竭。瀆彌可傾。彼上人者。秉志堅貞。皆緣慧鬼志念精專。超證佛果。是以鬼魅潛退。天人感應。

昔有一優婆塞。與衆賈客。遠出治生。遇天寒雪。夜行失伴。住一石室。時有山神。變為女像。來試之曰。白雪覆山地。鳥獸皆隱蔽。我獨無所恃。唯願見慰傷。優婆塞兩手掩耳曰。無羞弊惡人。說此不淨語。水漂火焚之。不欲見聞。汝有婦心。不欲何況作邪。媿發樂情淺薄。大苦可畏。深山神聞之。兩手擎捧。送至伴中。

隋釋真慧大業初。居蒲坂麻谷。餌黃精絕粒。築淨地。設四柱寶幢。以奉三聖。每依像作觀。挺身整念。必肅肅然。一夕謂弟子曰。今見蓮花載開。載合。將承吾足。負之間鐘。天香西來。異光驟發。已而慧亡。

昔太極左仙翁於天台山靜齋被罪燒香懺謝思真念道一百日中神明
鬢鬚於空玄之上。若存若亡。雲涼焯燐。或飛或集。曲暎齋堂。仙公自覺苦
徹。遽感天真。於是研思玄業。志勵殊勤。齋未一年。遂致感通。上聖降格。曲
盼幽房。以元正之月庚寅日夜。忽有飛雲丹霄八景玉輿寶蓋。洞曜流煥
太無燒香散華。浮空而來。千乘萬騎。不可稱焉。

陳旼。字伯武。豐城縣人也。以孝行見稱於鄉黨。師事許真君。自幼毓好
道教。長齋奉戒。精虔不貳。善驅考之術。每歷凶祠。巨妖作害。乃行許真君
之法。悉皆除之。真君以其除妖去鬼。故名戰字伯武。真君上昇時。賜以
靈方。後至大建元年正月七日。亦乘綵麟之車上昇。舊宅往往聞笙簧之
聲。後名飛簧觀。

昔有兄弟五人。父教持戒。大兒獨不肯持。實五枚錢。至相師請求相。師言
年可百歲。當大富貴。又言定惡。復言不好。尅後十三日。卿當死亡。其人大

怖。言非是。世間常師所能治療。唯

有佛預知未然。近在耆闍崛山中。名華言靈鷲

靈鷲

可往問之。於是即往問佛。佛言。卿有宿命對冤家欲來取卿。卿若

勸善書卷十一

三十一

欲得免者。當持五戒。乃可得脫。卿歸益辦脂燭焚之。過十三日。即受歸戒。
然燈續明。終日竟夜。誦經偈。言南無佛。歸命佛。慎莫怵急。過十三日。便
自得脫。其夜即有二鬼。往共殺之。一鬼任百步外。使一鬼往殺。見燈火光
明。但聞呼南無佛。歸命佛聲。不敢前逆語。一鬼言。此人不可復得。但呼南
無佛。歸命佛。我惡聞是聲。令我頭痛。於是二鬼便相持走去。不復近之。後
是已後。長得安穩。

昔佛言。大王波羅柰國。有屠兒名廣額。於日中殺無量羊。見舍利佛。即
受八戒。經一日夜。以是因緣。命終得為北方天王。毗沙門子。此沙門華言多聞天王。

如來弟子。尚有如是大功德果。况復佛也。

晉廬山有釋慧永。姓潘。河內人也。貞素自然。清心克己。言常含咲。語不傷
物。就好經典。善於講說。蔬食布衣。卒以終歲。與遠法師同住廬山。又別立
一茅室於嶺上。每欲禪思。輒往居焉。時有至房者。並聞殊香之氣。永屋中
常有一虎。人或畏者。輒驅令上山。人去後。還復馴伏。永嘗出邑。薄晚還山。
至烏橋。烏橋營主醉騎馬。當道灑水。不聽去。時向晚。永以杖遙指馬。馬

即驚走營主倒地。永乃便還營主嬰疾。明晨往寺。向永悔過。永曰。非貧道本意。戒神為耳。白黑聞知。歸心者衆矣。至義熙十年。遇疾危篤。而專謹戒律。執志愈勤。雖沉痾苦。而顏色怡悅。未盡少時。忽斂衣合掌。求疑欲起。如有所見。衆咸驚問。答云。佛來。言終而卒。春秋八十有三。道俗在山。咸聞異香。七日乃歇。

宋初。有法瓊尼。南方人。自幼出家。事佛。辟穀食素。粟不着。綿帛。戒德甚尊。嚴禪定。多所感通。後入會稽。瓊尼自剋亡日。遺言。命終後勿棺。歛。但以乞烏鳥。至破崗如期。而終。徒衆依其言。送置林野。間停屍七日七夜。烏獸不敢侵。乃收殮焉。

晉僧曇翼。既為僧已。隨方問道。初詣廬山。依遠法師。了悟宗乘。續入關中。禮觀羅什。講譯經論。通達無礙。得大辯才。後與同學曇學東遊會稽。因抵秦望山。見其五峯雙湖。氣象雄勝。因伐石誅茅。為住山計。專誦法華經。僅于一紀。一日將曠。有一女子。身披彩服。手携筠籠。內有白豕一隻。大蒜兩根。立於師前。泣而言曰。妾山前某氏女。入山采薇。路逢猛虎。奔遁至此。日

勸善書卷十三

三十一

已夕。草木陰翳。豺狼縱橫。婦無生理。敢託一宿可乎。師稱媿疑。堅却不從。女則兩泪哀鳴。師不得已。讓以草床。即蒙頂誦經。翌晨。女出庭際。以絳服化祥雲。豕變白象。蒜化雙蓮。女子足躡蓮華。跨象乘雲。謂師曰。我普賢菩薩也。以汝不久當歸我衆。特來相試。觀汝心中。如水。中月。不可污染。言訖縹緲而去。爾時天上雨華。地皆震動。鄉人聞見。莫不稱歎。是日太守孟公顛方晨起視事。忽見南方祥雲。氤氳光射。庭際而雲下。隱隱有金石絲竹之音。訪問得師普賢示化狀。遂併師之道行。聞于朝廷。即奉勅建寺。額號法華。

元吉州廬陵。淨源蕭君信。晚年有子圭。早亡。君信奉持道戒。至誠不貳。又裝塑玉皇聖像。崇奉香火。持誦玉皇經。以祈嗣息。一夕夢神告曰。爾齋戒有虔。感通于天。明年當獲顯應。次年果生一子。

宋吳氏縣君。都官呂宏妻。宏因異僧勸發妙悟。佛理。吳氏閱金剛經。頌亦契空寂。夫婦齋戒四十年。吳氏忽見巨迹三雙。皆金蓮華。數日又見其膝。又數日見其身。數日見其面目。即佛菩薩三聖人也。及見殿閣境界。清淨。

男子入問彼佛如何說法曰我得眼通未得天耳如是三年一夕微恙自言吾將西歸言訖而逝官事觀音列瓶缶數十以水滿中手持楊枝誦咒必見觀音放光灌諸器中病者飲之必愈世因號觀音縣君。

昔有二比丘未曾見佛從彼遠道共往舍衛國奉見世尊道中渴乏值有蟲水破戒者言可共飲之持戒者言水中有蟲何可得飲破戒者言我若不飲必當渴死不得見佛便飲而去持戒者慎護戒故不飲遂渴乏死即生三十三天身得具足先到佛所頭面接足佛為說法得法眼淨受三歸畢還歸天上時飲水者後到佛所佛為四眾說法即披衣示金色身溼漉人欲看我肉身何為不如持戒者先見我法身智慧之身佛言從今已去此立若行二十里外無澆水囊犯罪。

晉始豐赤城山有支曇蘭青州人蔬食樂禪讀誦三十萬言於太元中遊剡後憩始豐赤城山見一處林泉清曠而居之經于數日忽見一人長數丈呼蘭令去又見諸異形禽獸以恐蘭見蘭恬然自得乃屈膝而禮拜云珠欺王是家舅令往常鄉山就之推此處以相奉爾後三年忽聞車騎隱

隱從者彌峯俄而有人著憤稱珠欺王來見師携其妻子男女等二十三人並形貌端正有逾於世既至蘭所暄涼訖蘭問住在何處答云樂安縣章鄉山又聞道行今與家累仰投乞受歸戒蘭即授之受法竟賜錢一萬蜜二器辭別而去便聞鳴笳動響振山谷闍禪衆十餘共所聞見時元熙年中也

隋僧法充元江畢氏子棄俗出家常持法華大品徧數惟多莫得而紀住廬山化城寺又習正定不涉人間每勸衆僧無以女人入寺上損佛化下墜俗淫有不從者充曰正教不行義須早死遂潛往香鑪峯投身粉骨誓生淨土有人見師墜下就而覓之乃充也身既無損誦經如故因請還寺僧感死諫即斷女人後卒時當盛夏其屍不朽如蘭之馨聞皇中也

宋孫忠四明人蔬食持戒蚤慕西方於郡城東築菴鑿三池種白蓮臨池建閣月集道俗念佛期以三日後於病中請道俗百人繫念忽仰視虛空合掌問訊手結雙印怡然而化闔城皆聞天樂異香漸向西沒二子相繼念佛坐化皆因念佛見佛身現空中即白佛言惟願我佛少駐使我二子

同獲瞻禮即走外尋二子歸佛為駐立良久後人因名其地曰駐佛巷
唐緜仙姑長沙人也入道居衡山年八十餘容色甚少於魏夫人仙壇修
香火十餘年子然無侶精虔戒律至誠不懈壇側多虎皆馴伏數年後有
一青鳥形如鳩鵲紅頂長尾飛來所居自語云我南嶽夫人使也以姑修
道精苦獨棲窮林命我為伴他日又言西王母姓緜乃姑之祖也聞姑修
道勤至將有真官降而授道但時未至耳宜勉於修勵也每有人遊山必
青鳥預說其姓字又曰河南緜氏乃王母修道之故山也又一日青鳥來
曰今夕有暴無害勿以為怖也其夕果有十人持火挺刃將害仙姑入其
室姑在床上而不見之歲餘青鳥語姑遷居他所因徙居湖南鳥亦隨之
而他人未嘗會其語鄭畋自學士左遷梧州師事於姑姑謂畋曰此後四
海多難人間不可久居吾將隱九疑矣一旦遂去

宋末釋法度至京高士明僧招隱居瑯琊攝山捨所居為栖霞精舍請度
居之先有道士欲以寺地為觀僅者輒死後為寺自度居之羣妖皆息一
日神來通名曰蘄尚弟子有此山七百餘年法師道德所歸謹捨以奉并
願授五戒度曰擅裁血食世祀此最戒所禁也尚曰若備門徒輒先去救
乃辭去闕日又來送錢設饌同眾禮拜度為授戒而去攝山廟巫夢神告
曰吾已受度法師戒祀我勿得殺戮由是廟祭止菜脯而已度後有疾神
又奉藥水而度疾瘳

昔有優婆塞僑居舍衛國婦形端正一國同聞朋友欲觀終不肯示人以
白王王思欲見不知何由一臣啓言夫婦並持五戒供養道士手自斟酌
王可詐作道士持鉢詣門必得見之即隨臣言權變形服竊到其家婦見
道士頭面作禮王觀察已還語臣等此婦實好入我心中不知何從得之
眾臣白言此雖僑士應覲於王僑慢不來可以為罪去舍衛城千有餘里
大池水中生五色蓮華間有三雞蝮蛇鬼神惡獸罪應死者使往取華輒
沒於彼王便呼問言卿何等入再拜答曰大王民也王言何以不來答曰
愚癡不及耳自知有罪王言罰卿詣池取華七日當還若違期至當重治
卿受教辭退還具告婦婦語夫言君今有罪由我美色君識佛明教三界
無故惟戒可持上道之日心念三尊口誦十善莫忘須臾若君不還吾當

出家以戒自樂。不經二男給夫資糧。辭訣進路。行至半道。有數人鬼。問曰。何人。答言。是佛弟子。鬼言。諸犯罪者。遣付吾等。詐言取華。賢者實不犯罪。為惡人所讒。答鬼言。人命難得。唯在大神耳。鬼言。卿是佛弟子。又復無罪。我不相害也。餘有二難。恐卿不免。當如之何。鬼復言曰。相代取華。以濟卿身。使我長夜得福無量。卿穩住。此間鬼於是去。須臾便還。五色好華。百重而至。以與賢者。賢者重不能舉。鬼便取華。并扶賢者。屈伸臂項。已到宮門。辭別而去。賢者詣門自通。王怪還速。具問本末。如實自陳。王大驚。慙曰。鬼無人義。害於衆生。今濟善人。我乃無義。不別善惡。不如鬼魅。即自責過。稽首歸命。願為弟子。奉受五戒。廣行六度。國致太平。賢者夫婦。并加精進。得不退轉。

昔有優婆塞。本事外道。厭苦禱祠。委捨入佛法。奉戒精進。勤誦經。好布施。近意忍辱。常有慈心。暴疾命過。臨當死時。囑父母言。我病若不諱。七日莫殯。奄忽如死。停屍八日。親屬皆言。急當殯殮。父母言。不殯。莫欲留至十日。當此語時。便見眼開。未能動搖。父母歡喜。守至十日。便自起坐。善能言語。

問所從來。盡何所見。答言。有吏兵來。將到一大城。城中有獄。獄正黑。四面鐵城。城門悉燒。鐵正赤。獄中繫人。身坐火中。上下炯燒。青烟上出。或有人以刀割其肉。而噉食之。獄王問我。言。汝何等。人犯坐何等。乃來到此。此中治五逆。不孝父母。不忠信事君。答言。我少為惡人。所惑。奉事外道。愚癡。又飲酒。殺生。事天地。又於市里。來取財利。升斗尺寸。欲以自饒。後與善師相值。牽我入佛道。見沙門道人。授我五戒。奉行十善。自爾以來。至于今日。不復犯惡。仰由明王。哀我不及。我便叩頭。王即起。又手謂我。言。止。清信之人。不應當爾。便與我坐。呼吏問之。此乃無上正真弟子。汝輩皆當從是人。得度。以其人壽命自盡。時乃當死耳。魂神遊行。若生天上。天神迎之。若生人中。人中迎之。何得將此人。來入是五逆之處。吏答王言。世間多有是種人。不畏王法。不畏四時五行。不拘天地鬼神。橫行天下。不可不問也。有師名沙門。既剃頭髮。被服踈陋。以是自大。多將弟子。東西南北。復大劇甚。應當治之。王言。止。止。法服之人。無所貴敬。無所畏難。諸釋梵日月。中王。以及國王。臣民。奉是人。得福無量。輕慢是者。自求罪苦。急按名錄。應盡未起。

言未應死也尚有餘筭二十以其先有所犯罪是以取之使其黨輩小小自下耳王言佛子有戒精進天神所貴佛以大慈救護一切蝮飛蠕動天神地祇諸鬼神等皆敬貴之豈拘王相四時五行耶佛息如四海不得限量吏言大王奉佛戒耶王曰坐我不奉佛故追罪作此獄王若人已入正法後悔還為外道雖壽千歲當逢九橫若持戒比丘及諸弟子當勤行六度六衰斷絕頌佛功德猶若巨海不可量也吏言誠如王言不別真偽速發遣之辭謝使去從高墜下燿然而蘇與其父母共至祇桓即祇自唯危奉五戒修行十善

昔波桓提國其王號曰檀那國中當有暴水水除之後忽有大蛇繞城一匝頭向城門城中居民三億餘人歷日不得出或多飢饉者蛇亦無所瞋恚若有出者便當啖之舉國人民莫不恐怖時王國界山中有二道人清淨行道一名摩訶調一名沙訶調坐思念言蛇是含毒物今反繞城將危人命即時俱往化入其國與王相見王覩二道人言由我政化不平故致此患舉國愁荒無復人心二道人即告王言今當方便為王除之王及臣

勸善書卷一三

二十六

下皆叩頭專請言若蒙二道人恩此國人民便為更生沙訶調即化為大身蝦蟇行過蛇前蛇飢難忍便走逐蝦蟇摩訶調復化為裘柰從後追之蛇見裘柰便驚走入深山蛇去之後人民獲安王及臣下即尋二道人到其所在叩頭辭謝言二道人近在於此我實愚癡不早承奉至有災患道人相救唯願道人還住於宮我等人民得展供養道人告言吾之為道清淨無欲不樂供養王當檢身自率以道人民奉行正法可得終始獲安王即乞受五戒十善婦命三尊日月齋戒以為常法自是之後國豐民寧四方極負遂致太平

唐范陽盧元禮貞觀末為泗州漣水縣尉平居齋戒精專不食葷酒曾因重病悶絕經一日而蘇云有人引至府舍見一官人過無侍衛元禮遂至此官人座上踞牀而坐官人目侍者令一手提頭一手提腳擲元禮於階下良久乃起行至一別院更進南入一大堂中見竈數十百口其竈上有氣直聳然如雲霧直上沸聲喧雜有同數千萬人元禮仰視見似籠盛人懸之此氣之上云是蒸罪人處元禮發願大語云願代一切眾生受罪遂解

衣赤體自投於釜中。因即昏然。不覺有痛。須臾有一沙門挽元禮出。云汝素持戒。至誠之心。雖死不渝。更當復生十年。安果十歲。後卒於洛。

唐夏侯均。阜城人。病經四十餘日。已死復活。云至冥司。主者曰。爾平日酗酒好鬪。宜作牛。然嘗於隱師處。三度受戒。有此一善。可往磨坊內。為牛二十日。即放回。今已限滿。得復生。均自是益篤於佛戒。

宋靈芝律師。重造明州五臺戒壇。成有一老人。神氣超邁。眉鬚皓白。進而啓曰。弟子有三珠。奉獻以為壇成之賀。言訖。忽然不見。因置其珠于壇心。屢現光相。其後有壇主。會十師大開戒法。越二日夜。有一僧登壇。忽觀珠光外徹。內現善財童子。僧乃驚呼。衆起視之。悉皆環禮。自是每夜僧衆益申虔懇。而珠之所現。或金色。佛或六臂觀音。或紫竹碧柳。或奇木怪石。或頻伽鷄。飛舞左右。或月蓋張者執爐。或龍神獻珠。神變非一。見者聞者。皆謂希有。

宋法師梵臻。錢塘人。見婦人在前。問之。則曰。妾有哀懇。請師到家。師從之。至其門。見數人。拽此婦置床上。舉大刀斫之。如泥沙。少時復活。泣曰。妾生

勸善書卷十三

二十七

前善切膾。今受此報。欲求濟度。故敢仰屈。師為授戒。遂不復見。

宋沙門釋曇典。白衣時曾受五戒。年三十。忽暴疾而亡。經七日方活。說初亡時。見兩人驅將去。使輦米。伴輦可有數千人。晝夜無休息。見二道人云。我是汝五戒本師。來慰問之。師將往詣官主云。是貧道弟子。且無大罪。曆算未窮。即見放遣。二道人送典至家。住其屋上。具約示典。可作沙門勤修道業。言訖下屋。道人推典著屍腋下。於是而蘇。後出家。經二十年。以元嘉十四年始亡焉。

昔有人死。後魂神還摩挲。其故骨。遠人問之。汝已死。何故復用摩挲。枯骨為神。言此是我故身。不殺生。不盜竊。不他媾。不兩舌。惡罵。妄言。綺語。不嫉妬。不瞋恚。不癡。死後得生天上。所願自然快樂。無極。是故愛重之也。

唐貞觀十九年。僧法聰。說法於浙西之蘇杭。嘉興縣有神曰高王。降祝曰。為我請聰法師。來受菩薩戒。居人依其言而請之。戒訖。又降祝曰。自今以往。肉五辛。一切悉斷。後若祈福。可請僧衆在廟設齋行道。歷二年。秀州海鹽縣神曰鄒陽府君。因常祭。降祝曰。為我請聰法師。講涅槃經。眾乃迎。

師就講神又降祝曰神道業障多有苦惱自聽法來身鱗甲內已息細蟲
敬苦頭爲我請師更講大品師復爲講之神降祝謝

昔佛在舍衛國國王羣臣莫不宗仰時有賈客名曰波利與五百賈人入
海求寶時海神出掬水問波利言海水爲多掬水爲多波利荅言掬水爲
多海水雖多不能救飢渴之人掬水雖少能濟渴乏之命世世受福不可
訾計海神歡喜即脫身上八種香瓔校以七寶以上波利波利還國持此
香瓔上波斯匿王王甚珍奇即列諸夫人若最好者以香瓔與之六萬夫
人盡嚴束而出王問末利夫人何以不出侍人荅言今十五日持佛法齋
素服不嚴王曰如今持齋應違王命乎如是三反末利夫人素服而出在
衆人中明如日月倍好於常王意竦然加敬問曰有何道德炳然有異夫
人白王自念少福稟斯女形情態垢穢日夜山積人命促短懼墜三塗是
以月日奉佛法齋割愛殺道世世蒙福王聞歡喜使以香瓔與之夫人辭
曰我今持齋不應著此可與餘人王曰我本發意欲與勝者卿今最勝又
奉法齋道志殊高是以相與若卿不受吾何安置夫人荅言大王勿憂願
王屈意共到佛所以此香瓔奉上世尊并來聖訓累劫之福矣王即許焉

勸善書卷一

即勅嚴駕往至佛所白佛言海神香瓔波利所上六萬夫人莫不貪得未
利夫人與而不取持佛法齋心無貪欲謹以上佛頭垂納受世尊弟子執
心難齊直信如此豈有福乎於是世尊爲受香瓔即說偈言多作寶華結
步搖奇廣積德香所生轉好奇草芳華不逢風熏近道敷開德人遍香旃
檀多香青蓮芳華雖曰是真不如戒香華香氣微不可謂真持戒之香到
天殊勝戒具成就行無放逸空意度脫長離塵道

宋僧欽者江陵人也家門奉法年十許歲時善相占云年不過三六父母
兄弟甚為憂懼僧欽亦增加勤敬齋戒精苦至年十七得病危篤舉家齋
祈彌厲亦淫祀求福疾終不愈時有一女巫云此郎福力猛威魔醜所不
能親自有善神護之然病久不差運命或將有限世有探命之術小事天
神頗曉其數當爲君試劾之於野中設酒脯之饋燒錢經七日七夕云始
有感見見諸善神方為此郎祈禱蒙益二筭矣病必得愈無所憂也僧欽
於是遂差彌加精至其後二十四年而終如巫所言則一筭十二年矣

漢辛亥子字延期隴西定谷人。明帝時諫議大夫。上谷雲中趙國三郡太守。辛隱之子。年少好道。遵奉法戒。享年不永。歿於長津。後人見之。云西王母見我苦行。酆都北帝愍我道心。告勅司命。傳檄三官。攝收形骸。還魄復魂。使我熙怡。位為靈神。近得度名。南宮定策。朱陵精藏。待時方列。為仙。唐僧澄觀。姓夏侯氏。山陰人也。依應天寺出家。誦法華經。復往天竺。習華嚴大經。晚止蘇州。役荆溪禪師。傳天台止觀。聽法華維摩等經。又祭牛頭。忠徑山。欽得南北兩宗禪法。師博學深究。識量宏遠。著華嚴貞元等疏。塑像寫經。不可殫舉。嘗發十大願。為衆身所修。一但三衣一鉢。不畜餘長。二當代名利。棄之如遺。三目不視女人。四影不落俗舍。五長誦法華經。六長讀大乘經。七長講華嚴經。八一生晝夜不卧。九不惑衆。伐善。十不退大慈悲。師生歷九朝。為七帝門師。憲宗嘗召入講華嚴大旨。暢悅聖懷。勅有司鑄印。遷國師。統冠天下。繼徒年一百有二。歲身長九尺二寸。日夜發光。晝視不瞬。才供二筆。聲韻如鐘。梵僧稱是文殊後身。及終茶毗。舌如紅蓮。舍利光潤。

勸善書卷十三

二十九

宋錢象祖。天台人。號止庵。守金陵日。問道於保寧全。無用。尤以淨土真修為念。嘗建接待十處。皆以淨土極樂等名之。創止庵。高僧寮。為延僧談道之所。自左相辭歸。益進淨業。嘉定四年二月。微疾。書偈曰。菡萏香從佛國來。琉璃地上絕纖埃。我心清淨超於彼。今日遙知一朵開。後三日。僧有問疾者。公曰。我不貪生。不怖死。不生天。不為人。唯求生淨土耳。言絕。跏趺而逝。時天鼓震響。異香芬郁。未終之前。子姪郡人同夢。空中有云。錢丞相當生西方蓮宮。為慈濟菩薩。

宋吳秉信。四明人。持齋戒。築庵城南。禪坐。製一棺。衣臥其中。至五更。令童子擊棺而歌曰。吳信叟。歸去來。三界無家不可住。西方淨土有蓮胎。歸去來。聞唱。即起。禪誦。檜相亡。召為禮部侍郎。後召至蕭山驛。令家人靜聽。空中聞天樂之聲。即曰。清淨界中。失念來此。金臺既至。吾當行矣。言訖。儻然而逝。

宋李昱。字世則。廣陵人也。以孝謹質素著稱鄉里。元嘉三年正月十四日。暴死。心下不冷。七日而蘇。舍以欲粥。經宿復甦。云有一人持信幡來。至床

頭稱府君教喚且便隨去直北向行道甚平淨既至城關高麗似今宮闕遺傳教慰勞問呼且可前至大廳事上見有三十人單衣青幘列坐森然一人東坐披袍隱机左右侍衛可有百餘視且而語坐人云當示以諸獄令世知也且聞言已舉頭四視都失向處乃是地獄中見羣罪人受諸苦報呻吟號呼不可忍視尋有傳教稱府君信君可還去當更相迎因此而還至六年正月復死七日又活述所見事較略如先或有罪囚寄語報家道生時犯罪使為作福稱說姓字親識鄉伍且依言尋求皆得之又云甲申年當行疾癘殺諸惡人佛家弟子作八關齋修心善行可得免也且本作道家祭酒即欲棄錄本法道氏諫制故遂兩事而常勸化作八關齋

唐隴西李思一後居相州之滏陽縣貞觀二十年正月已死經日而蘇備說真中事至永徽三年五月又死經一宿而蘇說云以年命未盡蒙王放復歸於王前見相州滏陽縣法觀寺僧辯珪又見會福寺僧弘亮及慧寶三人並在王前辯珪見冥官云慧寶死期未至宜修功德辯珪弘亮今歲必死辯珪等是年果相繼卒後寺僧令一巫者就弘亮等舊房召二僧問

勸善書卷一三

四十

之辯珪曰我為破齋今受大苦兼語諸弟子等曰為我作齋救拔吾難弟子輩即為營齋巫者又云辯珪已得免罪弘亮云我為破齋兼妄持人長短今被拔舌痛苦不能多言此相州智力寺僧慧永等相傳云

昔佛在舍衛國祇樹給孤獨園精舍中為天人龍鬼神說法東方有國名鬱多羅波提有婆羅門言淨行等五百人相率欲詣恒水岸邊有三祠神池沐浴垢穢裸形求仙女尼捷法道由大澤迷不得過中道之糧遙望

見一大樹如有神氣想有人居馳趨樹下了無所見婆羅門等舉聲大哭飢渴委厄窮死斯澤樹神現身問諸梵志道士那求今欲何行同聲答曰欲詣神池澡浴望仙今日飢渴幸哀矜濟樹神舉手百味飲食從手流溢給眾飲食皆得飽滿其餘飲食豆供道糧臨當別去詣神請問本行何德

致此巍巍神卷梵志吾本所居在舍衛國時國大臣名曰須達飯佛眾僧於市市酪無提酪者倩我提之往到精舍使我斟酌訖行漂水儼然聽法一切歡喜稱善無量時我奉齋暮還不養婦怪問我不審何恨答曰不恨也見長者須達於園飯佛請我往齋齋名八關其婦瞋恚忿然言曰瞿曇

亂俗奚足采納君不毀遣則禍後此興。促迫不已便共俱食。時我爾夜年壽筭盡終於夜半。神來生此為此愚婦破我齋法。不率其業來生斯澤。作此樹神。提略之福。手出飲食。差終齋法。應生天上封受自然。

昔佛告智積菩薩。吾昔一時無央數劫為金翅鳥王。七寶宮殿。後園浴池。皆七寶成。心得自在。如轉輪王。乃得入海求龍為食。時彼海中有化生龍子。於其齋日奉持八禁。時金翅鳥王身長八千由旬。以翅斫海取龍。水未合。頃史飛銜龍出。鳥欲食龍。時先從尾而吞。到須彌山北有大鐵樹。高下六萬里。銜龍至彼。欲得食。求龍尾不知處。以經日夜。明日龍始出尾。語金翅鳥。化生龍者。我身是也。我不持八齋法者。汝即灰滅。時金翅鳥聞悔。過自責佛之威神。甚深難量。我有宮殿。去此不遠。共我至彼。以相娛樂。龍即隨鳥至宮。鳥與眷屬俱來觀看。鳥云。我此眷屬。不聞如來八關齋法。唯願抬授禁戒威儀。若壽終後得生人中。爾時龍子具以禁戒法便讀誦之。爾時鳥聞龍子所說。受八關齋法。口自發言。從今以後。盡形壽不殺生。如諸佛教。金翅鳥眷屬受三自歸已。即從龍子到海宮殿。彼有七寶塔。諸佛

勸善書卷十三

四十一

所說諸法深藏。別有七寶函。滿中佛經。見諸供養。猶如天上。龍子語鳥。我受龍身。劫壽未盡。未曾殺生。燒觸水性。是時龍子龍女。心開意解。壽終之後。皆當得生阿彌陀佛國。

齊司空張呂字巴玉。廣南封州封川縣人也。少習儒業。衆所推伏。以才干祿。明帝用之。位至司空。及東昏嗣位。退官南歸。誓慕長生。又視之方。願卜棲真養性之地。至攸縣文清驛。見邑之東。一山首出於衆。獨秀出奇。問之。市老毛國華。乃言古老相傳。名為溫水山。又名紫麟山。司空聞而異之。次日至山下。語鄉人曰。余在邑中。見此山上瑞雲。蓋頂紫氣。疑天。山中必隱神仙。適予平生志也。遂入溫水。源放光峯下。初草舍三十餘間。居焉。全家齋戒。誦大洞經三十九章外。日與鄉人治水。蔭田。持三百大戒。僅二十年。忽一日。見神人持藜杖。從山而出。乘語司空曰。吾葛洪子也。奉上帝命。令授子金丹火鼎之訣。汝可秘而行之。密濟貧苦。他時功滿。相見。未遲。出門復語司空曰。吾與浮丘。洪崖。赤松子。王喬。蘇隱。嚴真。蘇耽。丁令威。常會仙峯之上。以琴。碁。酒。果。用藥。元和。去。住。匪。常。非。塵。俗。所。知。也。大藥金丹得度。

世為神仙。汝受之勿輕泄。司空蒙教。方俯伏謝。而神人忽不見。司空是時
勤行齋戒。後成火鼎之功。點瓦礫為黃金。靈濟孤老貧病。至梁武帝天監
二年八月十四日夜半。忽聞空中有神人喚名云。絕早可領家入山。惟留
女盧瓊在家。至夜已闌。女使見一道流從空而下。身生疥癩。問司空在否。
女使荅曰。入山未歸。又問酒庫。女使指示之道流脫衣入瓮。以酒浴身上。
疥癩及出庫。整衣冠出門而去。與女使曰。司空歸時可與傳語。道葛道士
特來相訪。司空歸。女使具告。司空喜。聞庫中酒有異香。遂令家僮陳席於
廳上。一宅良賤悉取香酒均飲。至竭。惟女使潛見道流浴瘡。訖疾不飲。司
空飲罷。乃令家僮備湯沐浴更衣而坐。令召鄉老諸門徒。司空乃再入山。
焚香陞壇。誦經。鄉老門徒曰。天將名子。非子厭世。言訖。鸞鶴舞于空中。祥雲
靄於壇上。舉家八十餘口。白日昇天。惟女使就為本山之神。

昔有道士持齋誦經。有一凡人為債作。洽除齋堂。道士見其用意。至日中
持齋因與同食。食竟為其說法。復譴債人。隨持齋功德甚大。可至明日
復食。勿壞爾齋。能如此者。將可得免。見世窮厄。此人稽首受戒而去。暮還

勸善書卷十三

四二一

家具以道士戒言喻婦。其婦不解。反致嗔怒。債人不能免婦意。遂壞齋共
食。其後命過。天使其主蜀山千歲樹精。恒給其中食。其樹茂盛。暑月有三
精進賢者經過。依樹而息。因歎曰。此樹雖涼。日已向中。何由得食。此人於
樹空中曰。當為賢者供設中食。無以為憂。濟史食至。賢者共食。食竟言曰。
我今覓道。道在何許。即此自然。豈非道也。因問樹曰。不審大神可得降
形否。此人於樹空中荅曰。我非能使人得道者也。具說姓字處所云。嘗受
道士勸使持齋為婦人所壞。功德不全。致令守此樹精。不能得出。但云以
我昔經齋中食。今每至中給我齋食。口腹之饒。無緣得遷。欲屈賢者為至
我舍。道我如此。能為我建三日齋戒。我身便昇。賢者感此人意。為尋其家
具以所言。語其家人。家人即為建齋。請道士燒香誦經。謝過三日。此人
即得飛昇於景霄之上。受書為遊散仙人。

臨天道駢盈而益謙地道變盈而流謙鬼神害盈而福謙人道惡盈而好謙○汝惟不矜天下莫與汝爭能汝惟不伐天下莫與汝爭功○必有忍其乃有濟○上帝臨汝無貳爾心○欲速則不達見小利則大事不成○小不忍則亂大謀○所謂誠其意者毋自欺也○愛人不親反其仁治人不治反其智禮人不答反其敬○小勇者血氣之怒也大勇者理義之怒也血氣之怒不可有理義之怒不可無○不聞辯則無暴亂之禍矣○能忍耻者安能忍辱者存○和惠謙恭享有多福○福生有基禍生有胎納其基絕其胎禍何自來○藏精於晦則明養神於靜則安○惟能忍窮故得免禍○謙虛冲損可以免害○愚勝智拙勝巧詭勝辯如此者全身昧此者蹈禍○古人重厚朴直乃能立功立事享悠久之福○忍之一字眾妙之門○忍則百惡消滅謹則萬禍不侵○終身讓路不枉百步終身讓畔不失一段○誠無悔怒無怨和無仇忍無競○行之於身尺得而見之

勸善書卷之十四

盡之於心神得而知之人之聰明猶不可欺况神之聰明乎○無愧于口不若無愧于身無愧于身不若無愧于心○高不可欺者天也尊不可欺者君也內不可欺者親也外不可欺者人也四者既不可欺心其可欺乎○忠正無邪神明所祐○慈祥而寬厚謙遜而靜慈生焉而心體安沒焉而子孫大○謹則無憂忍則無辱靜則常安儉則常足○天聽寂無音蒼蒼何處尋非高亦非遠都只在人心

若以諍止諍至竟不能止唯忍能止諍是法最尊貴○能行忍者乃可名為有力大人○忍辱第一道○忍者無惡必為人尊○為人端正後忍辱中來○忍辱是安樂行○忍不可忍是乃聖教○心不可縱意不可逞若能抑忍則煩惱可除○忍之為德持戒善行所不能及○我見被人謾一似園中韭日日被人傷天生還自有○嗔是心中火能燒功德林欲行菩提道忍辱護真心○見怒能忍是為梵行○讓則尊卑和睦忍則眾惡無喧○忍苦受辱令成法身○重以惡來者吾重以善往福德之氣常在也○害氣重殃反在于彼○每事忍則悔吝消於現世福報顯於將來

○忍是心之寶。不忍身之殃。舌柔常在口。齒折只為割。○得忍且忍。得戒且戒。不忍不戒。小事成大。○忍一時之氣。免千日之憂。○一切諸煩惱。皆從不忍生。臨機與對境。妙在先見明。○心不負人。面無慚色。○至誠不欺。得好名譽。○雖處私室。如臨至尊。○常常自防護。以義內省察。○直心是道場。無虛假故。○遠離詭曲。質直無偽。○身心寂靜。無論無曲。

○受辱不怨。受寵若驚。○知其榮。守其辱。為天下谷。○以其不爭。故天下莫能與之爭。○柔弱保身。可以長久。○信已何求。非已何憎。德行由已。非譽由人。○忍者身之寶。慎勿與人爭。一切諸魔來。吾以忍坐勝。一切諸真。人皆以忍辱故。○夫惟不爭。故無尤。○善者君子之所本。百行之所長。萬福之所往來。○人若遇我以禍。但以福往。自然福德之氣。長生於我。○柔弱護身之本。劉強惹禍之由。○不履邪途。不欺暗室。○視於冥冥。聽於無聲。冥冥之中。獨有曉焉。冥冥之中。獨有照焉。○附身之語。流聞千里。○塊然保真。抱德推誠。○念真心不退。忠信不妄。○貌不美乎。情言不溢乎。行○忠信形於內。感動應於外。○君子內不負心。外不愧影。上不愧天。下不食言。○行善不為名。而名從之。○出處語默。天地皆知。惟正可守。心不可欺。○潔身守正。不欺方寸。自然默符天理。○操脩於明。行悖於幽。人不知。則鬼神知之。○直道而行。無偏無黨。是曰善人。○所當崇獎。○若欲不知。除非不為。○是非終日有。不聽自然無。○人可欺。天不可欺。人可瞞。天不可瞞。

感應

宋淳熙十年。南康建昌縣旱。民告於軍司戶張玘。子温。受牒檢視。甘泉鄉人李氏。名田數百畝。皆成熟。不肯陳詞。問社交徧責之。謂其立異。李曰。按訴當以實。我家田不早。豈欺天欺人。且自欺乎。必不可。衆人惡曰。今一鄉稱旱。而君獨否。官司必以他人為妄。是獨善其身。而貽害於百室也。李猶持前說。於是唱率惡少。夜拋磚石。擊其扉。及屋瓦。呼譟徹旦。固未逞志。遂公肆言恐之曰。先焚爾廬。次戕爾族。事到有司。不過推一人償命耳。李不獲已。亦隨衆自列。得以分數蠲租。為錢六萬。既而悔之曰。未穀不損。而強我如此。何以俯仰於天地間。顧已不可奈何。乃邀道士數輩。用所免之數。

建黜楚以謝過。二不以無名之財自潤也。明年秋，此鄉復旱，無毫釐之收。唯李田高下皆獲豐稔。

宋章行式，採訪西川其姪子威侍行。有老兵丁約日侍左右，子威覺其不凡，方欲詰問。約曰：吾神仙也。上帝嘉子不欺暗室，遣吾下降，更加審察。今果不欺得道，必矣。但尚餘兩塵耳。子威曰：何謂兩塵？約曰：儒謂之世，釋謂之劫。道謂之塵。塵即世劫也。

唐張建章奉使渤海，中流遇風波濤如山。自分必死，俄見一青衣乘一小舟而至，曰：仙官名君方，恍惚間則已達岸。仙官曰：君平生不欺暗室，上帝所知。波濤無足慮，但復登舟。吾當遣人護子。建章竟得將命而返。於是棄官學道，遂獲登真。

宋楊希仲字季達，蜀州新津人。未第時為成都某氏館賓，家有小婦少而美，諧學舍調客。試其所守，希仲正色拒之，遂去。其妻在鄉里，是夕夢人告曰：汝夫獨處他鄉，能自操持，不欺暗室，神明舉皆知之。當令魁多士以為報。妻覺不知何事也。歲暮夫歸，始言其故。明年全蜀類試，希仲乃為第

勸善書卷十四

三

一人。

宋費樞字道樞，廣都人。宣和庚子歲入京師，將至長安，舍於臘脂坡下旅館。解擔時，日已晦，山主家婦憊然倚戶，顧容勤渠發勞苦之語，繼而獨身來前，曰：竊慕上客高誼，願申困苦之情，可乎？費愕然曰：汝何為者？何以得至此？曰：我父京師販繒，主人也。家在某里，以我嫁此店子。夫今亡，貧無以歸，不能忍饑寒，願依於子。費曰：吾不欲犯非禮。汝之情，吾實知之。當往訪汝父，令遣人迎汝。汝勿怨婦人羞愧，感謝而去。費至京，他日過某里，得所謂販繒者家，通名欲相見。主人曰：客何人，安得與我有故？答曰：吾蜀人，費樞也。比經長安，邂逅翁女有所託者，是以來。翁躡履出迎，曰：疇昔之夜，夢

神告吾女，將失身於人，非遇費秀才，殆失矣。君姓字真是也。願聞其說，具以告翁。流涕拱謝曰：神言君且為貴人，當不妄也。而計其夢果，所見女之時，即日遣長子取女歸，而更嫁之。明年費登科，官至大夫，為巴東守。

宋林述中博古嘗言，有一郡鼓角樓，纔三更時，有鬼掩其鼓，擊之不鳴。兵級屢以失更見治，甚苦。及往見一禪師，求禳之術。師曰：汝候其來，則

遽執之級曰執恐不獲師曰但禁氣勿言級如所諭夜果得鬼天欲將曉鬼乃哀告兵級吾於太守暨諸僚屬並無所畏其所畏者獨二人一某寺禪師一某處黃二叔汝可赦吾不復來矣某寺禪師即兵級所訪者素有道德人皆欽仰黃二叔者未知何等人明日聞於太守召而詰之乃一老圃鬻菜為業凡三十年菜之老嫩束之大小持心不二然老圃於物不欺有所寸長尚使鬼神欽畏如此而況世之君子有大過人者乎

昔阿難邠城在兒連山下居大富珍寶四遠賈客舉貸乞食者往無不得時有五百賈客行海船壞珍寶皆沒死者不少或依板得活咸詣阿難邠城主人設食汲井得寶篋簾各有題疏其姓字估客食訖皆悲主人問故答言我等伴侶五百人共行海中船舶翻沒死者不少挾持小板劣得生活亡失珍寶悲念伴侶耳屬觀井中所得寶篋比皆是我許不知那爾主人言卿曹行治生賈販若至心者不失也但不至心故失耳我從無數劫以來未嘗不至心初不欺侵諸失寶者皆趣我井卿冬案姓字取去

勸善言本十四

四

昔信州林茂先才高過人已捧卿書家極貧閉戶讀書鄰家巨富婦厭其

夫不學私慕茂先才名夜奔之茂先呵之曰男女有別禮法不容天地鬼神羅列森布何可以此污我婦慙而退茂先次年登第三子皆登第

昔羸提

羸提華言忍厚也

仙人在大林中修忍行慈時迦利王將嫁女入林遊戲

飲食既訖王小喘息諸嫁女輩採花林間見此仙人加敬禮拜在一面立仙人爾時為諸嫁女讚說慈忍其言美妙聽者無厭久而不去迦利王覽不見嫁女拔劍追蹤見在仙人前立嬌妬降感瞋目奮劍而問仙人汝作何物仙人荅言我今在此修忍行慈王言我今試汝當以利劍截汝耳鼻斬汝手足若不瞋者知汝修忍仙人言任意王即拔劍截其耳鼻斬其手足而問之言汝心動不荅言我心修行慈忍不動王言汝一身在此無有勢力雖口言不動誰當信者是時仙人即作誓言若我實修慈忍血當為乳即時血變為乳王大驚喜將諸女去是時林中龍神為此仙人雷靈霹靂王被毒害沒不還宮

昔有比丘乞食至珠師門時珠師為王穿大摩尼寶珠放珠入屋取食以施有鵝見珠光潔於是吞而食之師持食出覓珠不見以為比丘偷之拘

逼追索比丘恐被殺鵝取珠隱忍不敢以告甘受鞭笞耳眼口鼻並皆流血是時彼鵝來趨食血珠師嗔怒打鵝即死比丘見鵝已死涕泣不樂珠師聞之問比丘言汝何愁惱如是比丘荅曰菩薩往昔捨身以救鵝我亦作是意捨身以代鵝由汝殺鵝故心願不滿足比丘具說上因珠師剖鵝得珠舉聲號哭語比丘言汝護鵝命不惜於身使我造此非法之事即禮拜懺悔

嘉言

○君子有禮則外諧而內無怨故物無不懷仁鬼神饗德○鸚鵡能言不離飛鳥猩猩能言不離禽獸今人而無禮雖能言不亦禽獸之心乎○賢者狎而敬之畏而愛之○禮之用和為貴○見賢思齊焉見不賢而內自省也○楚國無以為寶惟善以為寶○仁親以為寶○仁者愛人有禮者敬人愛人者人恒愛之敬人者人恒敬之○忠德之正也信德之固也卑讓德之基也○信以守禮禮以庇身○招携以禮懷遠以德德禮不易無人
不懷○敬賢者存悞賢者亡○道喪千載聖遠言湮不有先覺孰開我人

勸善書卷十四

五

書不盡言圖不盡意風月無邊庭草交翠○明道先生終日端坐如泥塑人及至接人則渾是一團和氣○崇敬師傅所以尊重教也○愛人者必有天報○見賤如貴視少如長其禮先入其言後出恩意無不答禮敬無不報○無不愛也無不敬也無與人爭也恢恢乎如天地之色萬物○致清白之士修其禮致節義之士修其道○執禮者常安而終吉無禮者常危而招禍

○樹立僧寶為良福田令興福力得出生死○僧寶者謂禁戒守真威儀出俗若長若幼皆須深敬○僧者出三界之福田具有戒體或為萬善之根是故世人歸信供養○常應親善人遠離於惡友以近善人故能捨諸惡業○士有信行為聖所興○若人漸解懺悔來近知識水澄穢除即自見道

○學道由丹心奉師如至親○供養法師令人世為君子賢孝高才門族昌盛○供養諸道德所生無艱難○供養好道德齋戒見真王請念心不辭七祖昇天堂○貧窮好道常念施惠○積諸善功供養法師○宗奉師

寶典道結緣世世不絕皆由先身積行所致。

感應

唐張武者始為廬江道中一鎮副將頗以拯濟行旅為事嘗有老僧過其所武謂之曰師年老前店尚遠今夕止吾廬中可乎僧欣然其鎮將聞之怒曰今南北交戰聞諜如林知此僧為何人而敢留之也僧乃求去武曰吾業已留師行又益晚但宿無苦也武室中唯有一牀即以奉其僧已即席地而寢盥濯之備皆自具焉夜數起視之至五更僧乃起而嘆息謂武曰少年乃能如是耶吾有藥贈子十九每正旦吞一丸可延十年之壽善自愛珍重而去出門忽不見武為常州團練副使有識者計其年已百歲常自稱七十輕健如故。

昔有一男子於正法出家能為給事所至寺諸比丘等令其給事後轉疲極自思惟言誰能為我說法教化聞摩偷羅國有優波笈多華言是佛所大德說能於後弟子中第一即為作禮合掌言大德大作佛事為我說法優波笈多言能隨我教當為說法答曰能乃曰那哆婆多寺眾僧汝更給

勸善書卷十四

六

事問曰眾僧有幾答曰有一萬八千羅漢學人一倍精進凡夫無數時彼比丘即為一切眾僧而作給事令一切僧專修道業時給事比丘早起著衣持鉢入摩偷羅國有一長者朝出相逢長者念言我未曾見而今見之頭面禮足問言大德所從遠近有何事來答言從東國來至優波笈多處為欲聞法而優波笈多令我為僧給事我今不知摩偷羅國誰精進誰不精進者長者曰汝今不須思惟是事我當代汝給事眾僧一切飲食衣服醫藥我悉給與比丘與長者共取飲食等供養眾僧三月安居時比丘思惟所依功德得阿羅漢果。

晉長安有釋曇始者關中人自出家以後多有異迹太元之末貴絳律數十部往遼東宣化顯披三乘以立規戒義熙初復還關中開道三輔始足白於面雖跋涉泥水禾嘗沾泥天下咸稱白足和尚時長安人王胡其叔死數年忽見形還將胡遍遊地獄示諸果報胡辭還叔謂胡曰既已知因果但當奉事白足阿練華言胡遍訪眾僧唯見始足白於面因茲事之一昔有一女聰明智慧深信三寶常於僧次請二比丘就舍供養時有一

老比丘次到其舍。年耆根鈍。素無知曉。時彼女人齋食已訖。求老比丘。為我說法。獨敷一座。閉目靜嘿。時老比丘自知闇鈍。不知說法。趣其睡。眠棄走還寺。然此女人。至心思惟有為之法。無常苦空。不得自在。深心觀察。即獲初果。既得果。求老比丘。欲報其恩。此老比丘審已無知。棄他。走避。倍更慚耻。復棄。嚴避。而此女人苦求不已。方自出現。女人於時具論上恩。家得道果。故賈供養。用報大恩。時老比丘以慙愧故。深自剋責。即獲初果。是故行者。應當至心。若至心者。所求必獲。

昔維衛佛衛從諸比丘六萬二千。初從山出。還父王國。國王於城外割地立屋。處諸比丘。有比丘語左右家。欲倩作屋。男子不許。其家老母手自為之。屋得成。十指皆穿。比丘坐中定。一夜入火光三昧。舍現大火。男遙望見。念我作屋。尋便已燒。何薄福乎。母入屋故在。但於火光中見比丘。甚大歡喜。壽終生天。釋迦成佛。天命未盡。求下白佛。明日飯佛及聖眾。默然受之。波斯匿王。又遣請佛。佛曰。已受天請。王曰。未嘗見天入下施。何緣有此。明日遣人候之。不見施辦。乃至禺中。亦復寂然。王勅脩餽。若無人為。吾當

勸善言卷一四

供之。日中天至。了不賣食。但將諸天玉女。鼓諸音樂。禮佛而住。白曰。時到。即舉手巾。眾事自然皆辦。行水既訖。更舉手出厨。百味甘露在地。手自斟酌。眾會皆足。王見驚欣。澡畢。白佛。不審此天。宿有何福。手出百味。福德乃爾。佛為王說前世手為比丘作屋。從是生天。九十一劫。手出眾物。福尚未終。

昔佛在舍衛國。是時摩訶迦葉佛弟子。年大龜氏。獨行教化。到王舍城。常行大慈。福於眾生。捨諸豪富。而從貧乞。欲分衛光入三昧。何所貧人。吾當福之。即入王舍大城之中。見一孤母。最甚貧困。在於街巷。大糞聚中。傍鑿糞聚。以為蔽窟。羸劣疾病。常臥其中。孤單零丁。無有衣食。便於嚴窟。施小籬柵。以障五形。迦葉三昧。知此人宿不植福。是以今貧。如母壽命。終日在近。若吾不度。永失福堂。母時飢困。長者青衣而棄米汁。臭惡難言。母從乞之。即以破瓦盛著左右。迦葉到所。吮頰從乞。多少施我。可得大福。爾時老母聞偈歡喜。心念前日。有臭米汁。欲以施之。則不可飲。適啓迦葉。哀我受不迦葉。善言大善。母即在窟。匍匐取之。形體裸露。不得持出。側身僅體。籬上接與。

迦葉受之。尊口呪願使蒙福安。迦葉心念若吾貴去甚餘。慮飲母則不信。謂吾棄之。即於母前飲訖。盪鉢還着囊中。於是老母持復真信。迦葉自念當現神通。令此母人必獲大安。即在空中。廣現神變。時母人見此踊躍。一心常跪。遙視迦葉。迦葉告曰。母今意中。所願何等。即啓迦葉。願以微福。得生天上。於是迦葉忽然不見。老母數日壽終。即生忉利天上。威德巍巍。震動天地。光明挺特。譬如七日。一時俱出。照耀天宮。帝釋驚悸。何人福德。感動勝吾。即以天眼觀此天女。福德使然。即知天女本生來處。

昔陳安世者。京地人也。為崔舛本家客。稟性慈仁。行見鳥獸。當道避不。欲驚不踐。生蠱。未嘗殺物。年十三。而舛本好道。思神。有二仙人。託為書生。從舛本家。游以觀試之。舛本不覺。是仙人也。久而轉怠。舛本在內方作美食。而止之曰。餓書生。輩復來求口腹也。勿聽。於是舛本使安世告言不在。二人曰。汝向言在。却言不在。何也。答曰。舛本家叱我云爾。二人善其以實。乃相謂曰。叔本勤苦有年。今適值吾二人。而敢懈怠。是其不遇。幾成而敗。乃

物志卷之十

問安世曰。汝好游戲乎。答曰。不好也。又曰。汝好道乎。曰。好道。二仙曰。汝常曰好道。然無緣知之。既而曰。審汝好道。明日早會。道北大樹下。安世早往。期處。到日西而不見二人。乃起而去。曰。書生定欺我耳。二人已在道邊。呼之曰。安世來何晚也。答曰。早來。不見君耳。二人曰。我端然在汝邊耳。如此者三。而安世輒早至。二人知其可教。乃以藥二丸與安世。誠曰。汝歸勿復飲。食別止一室。安世承誠。二人常往來其處。舛本聞安世處有人語聲。往輒不見。舛本問通聞人語。今不見何也。答曰。我獨語耳。舛本見安世不復食。但飲水。自知失賢。乃自悔曰。吾慢賢而失之。彼誠確而得之也。夫道尊德貴。不在年齒。父母生我。非師則莫能使我長生也。先聞道者。則為師矣。乃拔去白髮。執弟子之禮。朝夕拜事安世。為之灑掃。安世道成。白日升天。臨去。遂以要道傳舛本。舛本後亦得仙矣。

晉南陽滕普。累世敬信佛法。妻吳郡全氏。尤能精苦。每設齋會。不逆招請。隨有來者。因留供之。後會僧數闕。少使人衢路要尋。見一沙門。蔭柳而坐。因請與歸。淨人行食。翻飯于地。傾篋。都盡。罔然無計。此沙門云。貧道鉢中。

有飯足供一衆使普分行既而道俗內外皆得充飽清淨既畢擲鉢空中翻然上升極目乃滅普即刻木作其形像朝夕禮拜普家將有凶禍則此像必先倒踣云普子會以蘇峻之功封東興者也

昔時有一比丘名波拘盧後座而起整服作禮長跪叉手白世尊曰我念宿命生拘夷那竭國為長者子時世無佛衆僧教化大會說法我往聽經聞法歡喜持一藥名訶梨勒華言天主持來此藥功用至多奉上衆僧緣此果報命終生天下生世間恒處尊貴端正雄傑與衆超絕九十一劫未曾疾病餘

福值佛光導尊震冥撲我法藥速得應真力能移山慧能消惡善哉福報為真諦矣

宋齊安郡有跛男子其妻病極憊恒念其嗔夙因所致每遇僧伽道士深加禮敬愈久愈虔畜殖求生福果忽有舊識道人過宿問曰汝皆欲愈疾乎曰固所望也曰吾有善藥因各與五丸遂失道者所在服之皆愈

昔房建居舍山郡尚竒好道教禮道士受六甲符及九章真錄積二十年後游衡山遇一道士風骨明秀與建語為建述上清仙都及蓬萊方丈靈

勸善書卷十四

九

異之事一皆若涉履建竒之旬餘建自衡山適南海道士謂建曰吾嘗客於南海迨今年十年矣時有寺官李侯者謹其軍李侯以玉簪遺我我以簪賜君君宜寶之建得其簪因而別去是歲秋建至南海一日獨游開元觀觀北軒有塑真人狀者二東者左玄真人乃視左玄之狀是衡山所遇道士也及觀左玄之冠已亡簪矣時有觀居道士數輩在焉建具以事言次出玉簪示之道士驚曰往歲有李侯護兵於南海嘗以二簪飾左右真人之首迨今且十年其左玄之簪亡之數月矣今君所獲果是焉建益竒之因以玉簪歸道士焉

昔趙公成者患兩脚不能起旦夕存心太上法禮敬道士太上真人賜公成流明壇栢散劑即能起後得道在鶴鳴山此乃心存行道亦與身行之無異也

昔有一賢者其妻有疾遣价迎一道士禳之道士以事阻不得往即以被褐付之价持褐至家賢者燒香敬禮如見道士忽有一童子至庭自言道士使我来問病賢者方致禮延之坐其妻病即愈童子語賢者曰病者已

愈道士無煩復來。賢者可送法服還也。賢者如其語，躬送法服還道士。且道神童將命，及妻病愈之故。道士愕然曰：貧道未嘗遣人，亦不知君之良配病愈。因問童子形貌，何似。賢者答言：可十五六。姿容端正，佳麗出人。道士歷思弟子中無肖者，乃知神人感賢者之誠，昭茲靈既也。

昔豫章逆旅梅氏，有道僧投止，皆不求直，常有一道士，衣服藍縷，止其家，梅厚待之。一日謂梅曰：吾明日設齋，可借新瓷椀二十事，及七筋，君亦宜來於天寶洞前訪陳師也。道士將椀渡江去。梅翌日詣洞前，問村人，莫知其處，偶得一小逕，甚明淨，試尋之，果得一院，有青童應門，問之，乃陳師之居也。入見道士，衣冠華楚，延坐命食，頃之食至，乃熟蒸一嬰兒，梅懼之，不食。又進一蒸大子，梅亦不食。道士歎息，命取所得椀，贈客，視之，乃金椀也。謂梅曰：子善人也，然不得仙，十歲人參狗杞皆不肯食，乃分也。謝而遣之。此後不復見。

昔樂法師者，不知何代人也。案定志經云：法師姓樂名淨信，居業巨富，而夫婦皆欽崇大道，每以其資儲供山中道士，仍斥僕隸以奉洒掃，且帳席

罷用葉藪香藥，金珠錦繡寶貝珍玩服飾之物，靡不備焉。暨夫婦既克終，天年而俱列仙籍，有子法解者，夫婦亦不遠先君之貽訓，刻意奉道，遂罄家業以施其山中道士，逮至窘涸，乃鬻其二子，更以供饋，匪懈厥初。於是法解夫婦亦終永年，率證仙弟，其二子長曰胤祖，次曰胤徹，小名阿奴。而阿奴齒及齟齬，自能書畫，談操詞常在人表，厥後乃共堅修煉，勉勵勤行，果滿功圓，並登仙路。此三世六人得道者也。

唐彭城劉存希，自幼以來，於唐興觀瞻禮天師，發心圖寫供養，因得紺本出入護持，雖祗命遠行，奉使南北，未嘗一日闕香火之薦，黃巢犯關時，在內署倉惶之際，隨駕不及，唯捲天師像捧持而行，同伴三十餘人，皆為虜捉，或被殺傷，獨於衆中得免，將入南山，夜深村落，行次遇避難人，偶語而聞，妻在其間，因得同往，時與妻相失，已旬日矣。

晉鍾嘉字超本，許真君之外甥，精虔奉道，得真經之秘要，不交人物，獨居象牙湖西，以道術救接百姓，真君上昇日，召之，授妙道真訣，授而行之。元康

三年十月十五日，乘碧霞之輦上昇，今有古壇石井，故宅號丹陵觀。

宋汀州人張從善。父喪備水陸追薦。次年喪母。又作水陸同薦父母。既畢。明夜夢父母來曰。昨日好齋事。吾乘此功德。今皆往生西方。特來別汝。從善問曰。兒去年作齋事如何。父曰。不曾得用。其時有一僧來就齋。而齋已罷。汝斥去之。坐此無有功德。昨日汝心甚虔。諸僧求齋者。汝能誠心禮敬。不問遠近。功德大矣。後善既覺。追憶其事。且喜且悔。自是益禮敬僧伽。

嘉言

君子生則敬養。死則敬享。○孝子為能饗親。○事死如事生。事亡如事存。孝之至也。○慎終追遠。民德歸厚矣。○宗廟致敬。不忘親也。

為亡人作福。如餉遠人。若生人天增益功德。○若父母兄弟死亡之日。應請法師講菩薩戒經律。福資亡者。得見諸佛。得生天上。○男女命終。造作黃幡懸著刹上。離八難苦。得生十方淨土。○志誠念清淨蓮花。目如黍蕪。塑畫形像。存亡皆獲報。○夙種善根。多懷正信。傾环造塔。撒寶崇真。皆欲伸其追遠之誠。致其如在之敬。○人命終時。得聞鐘磬。增其正念。○若打鐘時。一切惡道諸苦。並得停止。

勸善書卷四

十一

凡人命將終時。若有正信衆生。於其頭邊。念玉帝尊號。亡者不墮惡報。神昇九天。○故正經者。上通三天。下徹九泉。可以追薦冥爽。越度祖玄。○對三寶稱揚。為先亡曾過。務在精嚴。必彰福利。○為先亡父母。億劫種親。寫造三十六部尊經。按度神鬼。其福無量。○其人孝道。能修十二福功德。必達天曹。已靈永離地獄。悟道登真。一修像。二寫經。三齋戒。四施花。五香。六脩造。七贖生命。八布施。九救。十除心。十一。十二平等。○鍊質入仙真。遂成金剛體。越度三界。難地獄五苦。解。

感應

宋莫道祖池州人也。以宣和甲辰秋喪母。追慕無已。聞太平州田功曹。常以天樞法救人病苦。能追攝死鬼。以詰外沉。道祖見其靈異。遂具狀乞行拯拔。功曹受狀。判押燒化。令神將即時追攝。道祖母次到壇。問曰。冥司如何。母對曰。若作六六功德。幽冥普獲靈恩。妾即得超生。功曹復問曰。何謂六六。答云。黃籙大齋。道祖泣告曰。現身計未成。何緣有力為大功德。母曰。不然。但志心專誦道教太上救苦經。及太一救苦天尊。發冥司簡奏上天。功即應聲至矣。又曰。冥司限促。不敢久留。乃作禮而上。道祖即告功曹。

求受太上救苦經。及天尊御號。日夜虔誠。兼誦各積千遍。其疏焚化。是夜母見夢於道祖曰。汝今不負鞠育之恩。誦經持號。誠格高真。蒙上帝符命。我已得生天。自今無復見汝。汝宜自勉。言訖。乘雲冉冉而去。

宋芮興勇略之將也。自金人南侵。在荆湖淮漢間。凡經數十戰。未嘗喪師。乞畀祠。朝廷從之。閒居禮佛。以樂餘生。如此十年。一夕昏黃。時門首有二千人。皆舊日受撥者。左右之人皆不見。而芮獨見之。遂出門而問曰。汝何故來此。衆人曰。平生在大尉軍中。荷有威望。得全此生。不料兩三年。皆為帶血之鬼。徑來告訴。芮曰。教我如何。衆人曰。特求薦拔。芮曰。汝衆且去。待吾理會。芮後達水陸大齋。及九幽章醮。超拔之。旬日後。夜靜獨坐小室。又見在前。二千人皆猶牆而下。遂喚家人僮婢於前指示之。未久。芮但叫曰。佛來。佛來。合掌而化。

宋太學博士莊安常。宜興人。因妻亡。於金山設水陸冥會。資薦。夜深事畢。整寄榻上。夢妻來。冠服新潔。有喜色。脫所著鞋在地。襪而登虛。漸騰入雲。表始沒。驚覺。以白于僧及他人。皆云。生天也。

勸善書卷十四

一一

唐吏部侍郎盧僖。愿。父素不事佛。開元初。選人有暴亡者。以筭未盡。為地下。下司放還。既出門。逢一老人著伽。謂選人曰。君已得還。我子役愿。今居吏部。若選事未畢。當見之。可為相諭。已由不事佛。今受諸罪。備極苦痛。可速作經像相救。其人既法。於銓司為說之。從愿涕泣。請假寫經於佛前。念誦。以資救拔。後十餘日。其父詣選人。辭謝云。已生人間。可為白兒。言訖不見。

唐吳可久。城人。元和十四年。寓居長安。奉摩尼教。妻王氏暴亡。經三載。見夢於吳曰。我為邪見。今作一毒龍。在皇子陂淨圖下。明日當死。願為請僧。就彼誦金剛經。冀免他苦。吳夢中不信。叱之。王氏唾其面。驚覺。面已腫痛。不可忍。王氏復託夢於可久之兄曰。園中取龍舌草。搗塗之。立愈。兄寤。依其言。即愈。詎旦兄弟同往。其地請僧誦經。以薦拔之。俄有大蛇從塔邊出。舉首偏視。經盡而斃。後夜復夢王氏來謝曰。得誦經相救。吾託生人世矣。可久自此歸信佛法。

宋高邦佐。簿眉山。忽于父憂。於二十七夜。被攝至冥司。見其父責曰。汝齋祭

不誠僧與庖者皆不嚴潔無益於我但汝每日所焚九天生神童皆於我功德有餘傍及諸囚汝若更請高明道士看誦及多焚化吾將脫離幽局矣邦佐如戒後父托夢曰得汝生神童薦拔之力已托生矣

唐西京宜陽縣劉楫字巨濟年二十七歲家產豐盛嘉祥四年二月初八日乘馬遊香山寺燒香罷出寺一相者指巨濟言公衣祿豐厚其壽不永三旬尤宜修福劉楫見言悶悶而歸謂其妻曰吾雖富足壽命不長奈何相者命我修福何如妻許氏告我家輩縣臨河倚山冤鬼無數傷害百姓此王世充與李密戰時陣亡之人不得超生宜乎薦拔此可為之須得有德行高人仗其威力可救之楫曰往 upstream 清宮請大師孫真人何如妻曰善巨濟詣 upstream 清宮謁孫大師臨近二三里遙觀花樹下三三人立馬一疋既近見紫服乃孫真人也真人曰吾等公多時何來晚矣劉楫驚拜曰真人何知真人曰予昨日往洛陽買香茶回至柳堤下天色欲晚見數百人皆跪拜告曰我等皆陣亡之鬼無由超度荷劉公欲設齋薦拔望真人慈憫早令脫生言訖忽然而去今日故速來接君遂議定清明日設醮專薦陣

亡孤冤楫告歸至所期之日備車馬取至真人設醮之夕天門上群鶴飛繞壇上是歲洛京風雨均調並無災祟其醮大達後真人寄書與巨濟言夢中鬼來謝云與君告天請壽可延三紀巨濟後於洛陽天津橋上見一相者曰公作何福面上有陰德之氣觀公之貌壽可延三紀劉曰別無陰德止做醮救拔孤魂設貧三日而已相者曰救死拔亡其功甚大楫後以才德任洛陽主簿及生五子壽年六十六歲善終

昔汴州都押衙朱仁忠家有門客許生暴卒隨使者入冥經歷之處皆如郡城忽見地堆粟千石中植一碑曰金吾將軍朱仁忠食祿生極訝之洎至公署使者引入一曹司主吏按其簿曰此人乃誤追之矣謂生曰汝可止此吾將白於陰君然慎勿窺吾簿吏既去生潛目架上簽牌曰人間食料簿生潛憶主人朱仁忠不食醬可知其由遂披簿求之多不曉其文遂怒主吏大怒已知其不慎瞋目責之生恐懼謝過告吏曰某乙平生受朱仁忠恩知其人性不食醬是敢竊食簿驗之願恕其罪吏怒稍解乃於仁忠名下注大豆三合吏遂遣前使者引出放還其徑路微細隨使而行忽

忽見一婦人。形容顛顛。衣服縷縷。抱一孩子。拜於路傍。謂生曰。妾是朱仁忠亡妻。頃年因產而死。竟未得受生。飢貧尤甚。希君濟以資緡。數千貫。生以無錢辭之。婦曰。所求者楮貨也。君還魂後。可致而焚之。冀望仁忠與寫金光明經一部。懺之。可指生路也。既而先行。直抵相國寺。將踰其闕。爲使所推踏。而竊仁忠既悲喜。問其冥間之事。生曰。君非必。任金吾將軍。言其碑粟之事。又話見君亡妻。言其形質無差。後與仁忠同食。乃言自君亡後。忽覺醬香。今嗜之頗甚。乃是注大豆三合之驗也。自爾朱寫經畢。許生燔紙數千。其婦於夢中。辭謝而去。云。今得超生矣。朱果爲金吾將軍。顯晦之事。不差毫釐矣。

宋平江虎丘寺沙彌法明。因見水濱多橫亡者。每夜誦金剛經。施食追薦。忽因赴緣。夜歸過危橋。足跌而墮。自覺身如浮雲。中間雜遝之聲。云我等救之。此誦經薦我之沙彌也。及甦而身在岸上。遍身有經幡之輝。因此愈加精嚴。修進功倍於前。後感鬼神致謝云。

勸善書卷一四

卽李樞母畱姊家。不知子之亡。李氏婢忽如狂。作男子聲曰。我卽馬述尹也。某月某日。以疾死。今幾月矣。欲一見吾母與大姊。故附舟來。欲丐佛果。以助超生。母與姊始聞之。悲駭。扣之而信。遂許其請。婢乃不言。卽召太平寺僧。誦經具饌。寫疏以薦。明日婢復語云。荷吾母與吾姊薦拔如此。但其僧者。經至某處上。某僧至某處止。功德不圓。爲可惜爾。其母未深信。試呼僧責之。皆慙謝而退。亟更誦焉。

宋朝散大夫池州通判丁餽妻壽昌縣君施氏。病卒於官舍。越十四日子。偷夢母如存。且曰。我將往生於淮南。然猶爲女人。壽復不永。所以然者。以宿負未償也。汝與汝父言。亟營勝事。使我得轉爲男子。偷覓兒以告父。後數日。其孫百朋。又夢經一官府。衛卒羅陳。方趨而過。或呼于後曰。縣君在此。安得不省謁。遂回入府門。至東廡簾下。果見之。言曰。吾於此蕭然無親。藉而且暮。有楚府之勞。幸以命婦得乘車。不然則徒行。嬰拘繫之苦矣。語未畢。簾外吏曰。可疾去。判司知之不可也。施氏亦曰。可去矣。既出門。又有呼者曰。判司名。乃由西廡進。見綠衣人。據按歎視之。則故潭州通判李縉

承議也。百朋憶其與乃祖同年進士。外堂再拜曰。公與祖父同年。世契不薄。願母吞拜。縉受之。既等詢大夫安否甚悉。少頃吏引施氏就訊。百朋離席。縉曰。施縣君與子親與。曰。新亡祖母。縉曰。天屬也。百朋曰。如聞已有往生之緣。而未脫女身。信否。曰。然。昨日符已至。百朋泣曰。祖父昔從公游。今祖母生緣在公。誓效苟得轉為男。存沒皆被厚德矣。縉曰。柰事已定何。百朋哀祈數四。縉曰。子少俟。當試為圖之。於是縉出循廡而上。迤邐升殿中。若無影響。頃吏復下。則左右翼扶。步武詳緩。笑曰。已遂所請。然歸須誦佛說月上女經。及不增不減經。以助度生可也。百朋拜謝而退。視祖母猶立階下。大言曰。二經多致之。勿忘也。遂寤。盡記其說。餘且驚且疑曰。二經之名。所未嘗聞。訪諸。明院果得之。乃月上女以辯才聞道。如來授記。轉女身為男。及慧命舍利弗。問佛以三界輪迴。有無增減之義。餘始歎異。擇僧之賢。及舍家人女子。皆齋潔持誦。數至千卷。設冥陽水陸齋以侑之。迨百日。餘夢妻來曰。佛功德不可思議。蒙君追薦之恩。今生於廬州霍家為子矣。謝訣而去。

宋臨江軍慧力寺初造輪藏。成寺僧限得千錢。則轉一匝。有營婦喪夫。家極貧。念為轉藏。以資冥福。累月辛苦。收拾隨聚。隨費終不滿一千。迫於貧乏。無以自存。而此心卷卷不能已。遂携所聚之錢。踰注藏前。擲錢於地。輪藏自轉。閻寺駭異。自是不復限數云。

宋祝堯卿云。有士大夫自浙西赴官湖外。妻絕美。舟過楊子江。大風作於金山寺下。舟覆。妻擊盡溺。唯大夫賴小艇得脫。就寺哀慟累日。然後去。三年秩滿東還。復畱故處。就寺設水陸供薦。禱千佛。乞使妻早受生。罷時已四更。少馬童奴掃地。逢一婦人。滿身流淚。如澆。巡裸跣抱柱。如醉如癡。喚之不應。黎明僧眾聚觀。大夫亦至。細認之。乃其妻也。駭怖無以喻。命加薰燎。具湯藥守之。至食時。稍稍知人。自引手接湯。俄而復活。夫婦相持而泣。遂言其故曰。我初沒時。如被人拖脚引下。喫數口水。入水底。為綠衣一官人。推入穴。穴高且深。置我土室中。以我為妻。每夜抽糕餅之屬飼我。未嘗茹葷。問其安得此物。初猶笑不言。及既暝。熟方云。是水陸會中得來。因告之曰。我因調已久。試帶我出。瞻仰佛事。少快心。如何。彼堅拒不可。求之屢

矣。一夕，蓮我攀險梯危，上寺中，望燈燭，香花列布，及詣香樓邊聽讀，乃是君官位姓名，追薦我者。料君在此，盤旋繞寺，不肯返，綠衣苦見促，我故逗留，會罷燭滅，強拽我行，我聞君咳聲，顏見不得，緊抱廊柱，不放，遭毆打極困，他怕天曉始捨去，此身墮九泉之下，不知歲月，賴君復生，皆佛力廣大所致耳，喜甚而哭，夫亦哭遂為夫婦如初，滿寺之人，莫不驚異，綠衣者，蓋水府判官也。

北齊時有士人姓梁，甚豪富，將死，謂其妻子曰：「吾平生愛奴馬，及皆使用日久，稱人意，吾死以為殉，不然無所乘也。」及死，家人以囊盛土，壓奴殺之，馬猶未殺，奴死四日而蘇，說云：「當不覺去，忽至官府門，門人因留在門所，經一宿，明旦見其亡主，被鎖以兵守衛，入官所見奴，謂曰：『我謂死人得使奴婢，故遺言喚汝，今各自受其苦，全不相聞。』今當白官放汝。」言畢而入，奴從屏外窺之，見官問守衛人曰：「昨日壓脂多少乎？」對曰：「得八斗。」官曰：「更將去壓取一斛六斗。」主則被壓牽出，竟不得言，明旦又來，有喜色，謂奴曰：「今當為汝白也。」又官問得脂乎？對曰：「不得。」官問何以？主司曰：「此人死三日。」

勸善書卷十

十六

家人為請僧設會，每聞經，唄聲，鐵梁輒折，故不得也。官曰：「且將去。」主司白官：「請官放奴，即喚放俱出門。」主遣傳語其妻子曰：「賴汝等脩福，獲免大苦，然猶未脫，更能造經像以相救濟，異因得免，自今無設祭，既不得食，而益吾罪。」言畢而奴遂重生。具言之。家中果以其設會，於是傾家脩福練行。

宋順陽郭銓，字仲衡，為益州刺史。亡後三十餘載，元嘉八年，忽見形，詣女婿南陽劉凝之家，車衛甚盛，謂凝之曰：「僕有謫事，可見為作四十僧會，當得免也。」言終不見，劉謂是魍魎，不以為意。後夕銓又與女夢言，吾有謫罰，已告汝婿，令為設會，不能見矜耶？女晨起見銓，從戶過，怒言：「竟不能相救，今便就罪。」女踊踊問之，問當何處設齋？荅云：「可歸吾舍。」倏然復沒。凝之即時供辦會畢，凝之一夕夢銓來相謝曰：「感君厚恩，事始獲宥，言已失去，於是而絕。」

晉關公則趙人也，恬放蕭然，唯勤法事。武帝之時，死于洛陽，道俗同志，為設會于白馬寺中。其夕轉經，宵分，聞空中有唱讚聲，仰見一人，形器壯偉，儀服整麗，乃言曰：「我是關公，則今生西方安樂世界，與諸菩薩共來聽經。」

合堂驚躍皆得親見時復有汲郡衛士慶亦苦行居士也師於公則其母又甚信向誦經長齋家常飯僧時日將中母出齋堂與諸尼僧道遙眺望忽見空中有一物下正落母前乃公則鉢也。有飯盈焉馨氣充勃闔堂肅然一時禮敬母自行分齋人食之皆七日不飢士度善有文辭作八關戲文晉末齋者尚用之永昌中死亦見靈異有浩儀者作聖賢傳云度亦生西方。

唐開元中亳州太清宮王師薦父誦玉皇經萬餘遍無驗生懈心遇老叟授以善本加誦誦之三日忽夜半見其父環佩玳瑁仙服下降言吾因汝誦玉皇經巴享天福位居仙列言訖上昇。

宋偽齊劉豫同金虜入寇高宗下詔親征九月親詣天竺大士殿焚香恭禱番平其虜既而淮東宣撫使韓世忠敗金人齊人于潤州世忠獻俘行在因陳戰歿之人乞加贈恤上感然曰死於鋒鏑誠為可憫即勅直學士胡松年具詞建水陸大齋以為濟度是夕有見鬼神未甚衆有夢戰死者咸欣然相慶以為自此得生善道。

唐長安通軌坊劉公信妻陳氏其母因病先卒陳氏忽暴亡見一人引入地獄偕覩諸罪相後見一獄石門忽開母在其中受極重苦母見女曰汝可為吾寫法華經一部使吾脫免此苦言已門閉陳氏再蘇說之公信即憑妹婿趙師子寫是經忽有經生持新寫蓮經一部來質錢趙言幸有此經可贖之不必寫也劉從之裝束訖授與陳氏陳氏一日設母食供養焚化是經其夜乃夢曰吾先命汝寫經一部何不為之女曰已為贖一部訖母曰吾為此經增受重罪獄卒打吾脊破以不合取范家經為己有故女夢覺急請人書之既成請僧表懺又夢母曰吾承經薦拔之力已脫冥司好處安身今來報汝汝當信心好住世間及詢前經果是姓范人寫時龍朔中也。

唐瑯琊王之弘貞觀中為沁州和川縣令有女適博陵崔軌軌於和川會病而卒卒經數十日其家忽於夜中聞軌語聲初時傾家驚恐其後乃以為常聞語云軌是女婿不合於妻家立靈佯以苦無所依為置立可也妻度其請又具說獄中事云人一生恒不免殺生及不孝自餘之罪蓋亦小

耳。軌雖無罪，然必大資福助。合為軌敷設齋供，并寫法華金剛般若經。各滿三部。此功德資我冥途。自茲以後，即不復來。王家一依其言。寫經設供。軌忽來謝曰：承寫經功德矣。今即取別。舉家哭而送之。曰：云軌有遺腹之子，已年四五歲。此子後必仕宦，願善養，畜自此以後，不復更來矣。

隋開皇中，有僧慧超，立行卓爾，常誦法華。師有一弟子善緣，年在志學，亦通達經三卷。一日病死，超往泰山焚香，具述來意。木偶忽發聲曰：師或行精苦，所問敢不咨白。遂引至府前。超白曰：弟子今在何處？君曰：善緣在此。未有生處。超曰：欲與相見得否？君即遣使領東行數十步，果得見。曰：問苦樂如何？弟子曰：但被拘繫，亦無苦樂。念生處未定，願師外濟之。師曰：作何功德？弟子曰：乞造法華經一部，設齋一百員。師既歸，即書經飯僧。事訖復謁府君。君相接如先。師陳所為。君曰：善緣師寫經題妙字，始成便生勝處。師曰：生何處？君曰：還生齊郡王武家為男子，待三歲，可往覓之。超過三年，即往問曰：擅越之子，欲得相見。王氏抵拒不言。有子，師遂具說府君之言。其妻在室，語夫曰：法師靈感若此，可使見之。即抱兒出。見師走入懷抱，悲泣良久。及年長大，志願出家，還事超師。

隋僧行堅，不知何許人，常修禪觀，節操嚴甚。因事經游泰山，日夕入嶽祠度宵。吏曰：此無館舍，唯有神廡，下然而宿。此者必暴死。堅曰：無妨。遂為藉蒿於廡下，堅端坐誦經，可一更，忽見其神衣冠甚偉，向堅合掌。堅問曰：聞宿此者多死，豈擅越害之耶？神曰：當死者特至，聞弟子聲而自死，非殺之也。又問之曰：世傳泰山治鬼，是否？神曰：弟子薄福，有之。堅曰：有兩同學僧已死，今在否？神問名字曰：一人已生人間，一人在獄受對。師往見之。神遣使引入墻院，見一人在火中號呼，形變不可識，而血肉焦臭。堅不忍觀，即還廡下，復與神坐。堅曰：欲救是僧得否？神曰：可能為寫法華經，必應得免。既而與神別，明旦廟令視堅不死。訝之。堅去，急報前頭，寫經裝畢，貴而就廟。神出如故，以事告之。神曰：師為寫經題目，彼已脫去。此苦復生人間矣。然此處不潔，不宜安經。願師還送入寺中供養，遂與神別。

宋僧慧果，豫州人。幼不茹葷，上京報瓦棺寺誦法華諸經。嘗於廁中見一

鬼致敬云。昔作維那。小不如法。墮敬糞鬼中。其嘗有錢三千埋掃樹下。法師慈悲。願取之。為植福薦技。師即告衆取錢。寫法華經一部。後忽夢此鬼。謝曰。已得改報。大勝前日。

唐咸亨二年三月。長安法海寺英禪師有異人來。謁曰。弟子知有水陸齋。可以利益幽冥。自梁武殞後。因循不行。今大覺寺有吳僧義濟。蔽此儀文。願師往求之。以來月十五。於山北寺。如法脩設。苟釋狴牢。敢不知報。英尋義濟。果得儀文。即以所期之日。於山北寺。如法脩設。次日。曛暮。尚者異人。與十數輩來。謝曰。弟子秦范。睢也。指其徒曰。此穰侯。此白起。此王翦。此張儀。此陳軫。皆秦臣也。各坐本罪。幽囚陰府。大夜冥冥。無能救護。昔梁武帝。於金山寺。設此齋時。前代之臣。皆免所苦。弟子爾時。亦暫息苦。然以獄情未決。不得出。離今蒙吾師設齋。弟子與此徒輩。皆聚善力。將生人間。慮世異國殊。故此來謝。言訖。遂滅。自是儀文。布行天下。作大利益。

宋沙門僧妙者。上黨人也。家姓馮氏。居于江陵上明村。妙遊乞零陵。因居郡治龍華精舍。善於蓄聚。米至數千斛。後數年。龍華寺突焚蕩。畧盡。妙臨

終。以財物付弟子法宗。令造講堂僧房。法宗立堂畢。頗拖延。曰。未得建。房至泰始三年正月。被疾甚篤。時有道猛比丘。隨泉陵令高陽許靜慧。在縣。縣即郡治之邑也。猛往省法宗之疾。入寺數步。見一沙門。著桃花布裙。單黃小被。行且罵云。小子法宗。違處分。不立僧房。費散財物。既見道猛。如驚羞狀。以被蒙頭。入法宗房。猛嘗往來此寺。未嘗見此沙門。不欲干突之。先見法超道人。說所聞見。超疑猛或詐妄。撿問形狀音氣。猛具言之。超曰。即法宗之師也。亡來數載。共歎悵之。其夕。即靈語使急召法宗。法宗既至。數罵甚嚴。猶以僧房為言。聲音氣調。不異平生。法宗猶首謝之。既畢。問和尚。今生何處。善惡云何。妙曰。生處粗可耳。但應受小謫。二年外。乃可得免。熏有小扣搗。欲訴所司。為無絮。不能得行。可急為製也。法宗曰。絮。絮可辦。未審和尚。云何得之。妙曰。汝可請僧設供。以絮。絮為觀。我即得也。法宗如言。飯僧觀衣。道猛時在會。又見僧妙。倚於堂戶之外。拱立聽經。飯觀訖。猛即見絮。絮已在妙身矣。

昔佛在舍衛國祇樹給孤獨園。大目犍連。始得六通。欲度父母。報乳

哺之恩即以道眼觀視世間見其亡母生餓鬼中不見飲食皮膚連立目連悲哀即以鉢盛飯往餉其母母得鉢飯便以左手掌鉢右手搏食食未入口化成火炭遂不得食目連大叫悲踊涕泣馳還白佛具陳如此佛言汝母罪根深結非汝一人力所奈何汝雖孝順聲動天地天地神祇邪魔外道道士四天王神亦不能奈何當須十方衆僧威神之力乃得解脫吾今當說救濟之法令一切難皆離憂苦佛告目連十方衆僧七月十五日僧自恣日當為七世父母及現在父母厄難中若具飯百味五果汲灌盆器香油拈燭抹敷卧具蓋世甘美以著盆中供養十方大德衆僧當此之日一切聖衆或在山間禪定或得四道果或在樹下經行或六通自在教化聲聞緣覺或十地菩薩大令權現比丘在大衆中皆同一心受鉢和羅飯華言鉢和羅具清淨戒聖衆之道其德汪洋其有供養此等自恣僧者現世父母六親眷屬得出三塗之苦應時解脫衣食自然若父母現在者福樂百年若七世父母生天自在化生入天花光時佛勅十方衆僧皆先為施主家呪願願七世父母行禪定意然後受食初受食時先安在佛前

塔寺中佛前衆僧呪願竟便自受食時目連比丘及大菩薩衆皆大歡喜目連悲啼泣聲釋然餘滅爾時目連母即於是日得脫一切餓鬼之苦目連復白佛言弟子所生母得蒙三寶功德之力衆僧威神之力若未來世一切佛弟子亦應奉孟蘭盆孟蘭盆正云烏磔婆華言救倒懸盆即貯食之器救度現在父母乃至七世父母為可爾否佛言大善快問我正欲說汝今復問善男子若有比丘比丘尼國王太子大臣宰相三公百官萬民庶人行慈孝者皆應先為所生現在父母過去七世父母於七月十五日佛歡喜日僧自恣日以百味飲食安孟蘭盆中施十方自恣僧願使現在父母壽命百年無病無一切苦惱之患乃至七世父母離餓鬼苦生人天中福樂無極是佛弟子修孝順者應念念常憶父母乃至七世父母年年七月十五日當以孝為憶所生父母為作孟蘭盆施佛及僧以報父母長養慈愛之恩若一切佛弟子應當奉持是法時目連比丘四輩弟子歡喜奉行

昔有婆羅門華言淨行夫婦二人無有兒子財富無數臨壽終時自相謂言當吞錢以為資糧其國俗法死者不埋但看樹下各吞五十金錢身爛錢

出。國中有一賢者行見愍之。泫然流涕。傷其慳貪。取為設福。請佛及僧。盡心供辦。擎飯佛前。稱名呪願。時慳夫婦。受餓鬼苦。即生天上。

昔有一羅漢。福度衆生。因次教化。遇一女人。字曰光目。設食供養。羅漢問之。欲願何等。光目答言。我以母亡之日。資福救拔。未知我母生處。何趣。羅漢愍之。為入定觀。見光目之母。墮在惡趣。受極大苦。光目答言。我母所習。唯好食。取魚鱉之屬。作何行業。今在惡趣。受極大苦。光目答言。我母所習。唯好食。取魚鱉之屬。所食魚鱉。多入食其子。或炒或煮。恣情食散。計其命數。千萬復倍。尊者慈愍。如何哀救。羅漢愍之。為作方便。勸光目。汝可志誠。念清淨蓮華。目如來。薰塑畫形像。存亡獲報。光目聞已。即捨所愛。畫佛像。而供養之。復恭敬心。悲泣瞻禮。忽於夜後。夢見有佛身。金色晃耀。如須彌山。放大光明。而告光目曰。汝大慈愍。善能為母設。如是大願。吾觀汝母。過是報後。當生無憂國土。壽命不可計劫。後成佛果。廣度人天。數如恒河沙。

昔罽賓國有一長者。本大富。父母亡後。常供養數道人。數年之中。家欲貧困。無復有得為父母作福。念之愁毒。婦與婿言。可於富家傭作。得金以用。

勸善書卷上四

二十一

布施遠使。父母得福無量。長者言然。於是夫婦同至富家。就傭求直。得金施盡。乃復傭作。富家遣夫耕田。婦厨下炊。耕得大石。如似磨蓋。發視見金千鼎。便還覆之。不復還食。富家遣婦餉夫。夫便攤金自歸。其家明日稱金還了富家。夫婦返舍。復為七世父母布施。用之終身不盡。

昔佛在舍衛國祇樹給孤獨園。時彼城中波斯匿王後宮姝女名曰善愛。年在老邁。極大慳貪。不好惠施。時大目連欲化彼。故著衣持鉢。以神通力。從地湧出。住老母前。從其乞食。老母瞋恚。不肯布施。飯食已訖。有一殘果。及洗器水。臭而不敢。爾時目連。即從乞索。老母瞋恚。尋即持與。目連得已。躡身虛空。作十八變。時彼老母見是變已。心懷信敬。歸誠懺悔。即於其夜。便取命終。生曠野中。在一樹下。食果飲水。以自存活。致經數時。波斯匿王將諸群臣。遊獵射戲。馳逐群鹿。渴乏欲死。遙見彼樹。希望有水。馳奔趣向。去樹不遠。有火焰起。遮不聽近。但遙見人坐其樹下。王即遙問。汝是何人。在此對下。彼即答言。我是波斯匿王後宮姝女。年在老邁。名曰善愛。不好惠施。命終生此。唯願大王。慈哀憐愍。為我設供。請佛及僧。使我脫此弊惡。

之身王即問言為汝設福可得知否彼人答言設福必得王自常見爾時波斯匿王聞是語已勅諸兵衆相去百步安置一人令聲相承還歸城內為其設供請佛及僧若彼得福使諸兵衆各各承聲湏臾聞我今知虛實尋即為設請佛及僧呪願已竟彼對下人百味飲食自然在前時波斯匿王以知為實即於佛前深生信敬佛為說法得須陀洹果

唐赫連寵者靈州之遠縣人也父棕領軍於邊上按降兵一千餘人武德二年八月死於邊上冥司論對受諸罪苦寵摠不知寵時為靈州押衙貞觀八年奉使入京因與友人遊終南山行至炭谷前有道士楊景通結廬脩竹間三百餘歲寵醉歇廬前謂景通曰吾饑有何所食景通素不飲食笑而不對寵令左右取火焚其廬室景通曰汝父屈殺生民見受罪地府不能脩善救父更害於吾寵曰何以知之景通曰汝坐於此吾與汝喚令汝見之言訖書一符擲於空中遂巡有黑雲至於廬前雲中有二十餘鬼領一人杓杓鎖械來景通謂曰汝子不孝不能救汝寵見之果父棕也悲泣謂父曰何故受苦如斯父曰吾殺降兵被他冤訟於地獄下受諸罪苦

汝何故更毀真人令吾展轉罪重寵匍匐悲哀懺悔謝過景通曰汝要免父之罪脩黃籙道場可以救拔必得汝父生天遂巡父被諸鬼領去寵乃禮謝景通入城於三洞觀設黃籙道場七日夜至第五日見父乘雲氣而來謂寵曰吾奉天符乘黃籙功德已生天堂凡是所殺冤鬼皆已托生人世

蜀主孟昶往祈青城山見女真麻姑致齋壇側時有獻美女張氏者遂納之名曰麗華同處于丈人觀忽一夕迅雷掣電暴雨猛風掀拔屋宇騰空散落張氏遂殞命乃葬山下後數十年上元節丈人觀道士李若冲夜歸憩於山前忽竹陰有一女子彌泣而出詰若冲前賦詩云獨卧經秋墮駭蟬白楊風起不成眠澄思往日樹房寵淚濕衣襟損翠鈿言訖後泣而退若冲還觀見丈人殿上有衣冠朱履之士皆面北立如有奏對殿下廊廡間列諸罪人見獄卒引一女子繫於鐵柱杖之彌叫痛楚徐察之乃山前逢之者俄頃善神以劍指若冲曰今夕上元天官泊五嶽丈人校勸生死罪目不宜立若冲乃潛避達旦真白其師唐洞卿唐曰汝知之乎此乃

張麗華也。昔寵幸於此。褻瀆上真。致獲斯罪。既以詩告汝。汝當救之。曰。何法可救。曰。但轉九天生神章十卷。奏金錄白簡。可免此咎。即自托生。偶遇臨卅牧田魯。傳設黃籙。若冲遂置簡書。與疏轉經十過。投仗醮所。因而救度。誦至九卷。適丁焚簡之時。若冲即回向而焚之。明日張氏所葬之地。有沙字四句云。符吏匆匆扣夜高。便隨金簡出幽冥。蒙師薦拔恩非淺。領得生神九過經。若冲諦觀。大上垂教。憫諸衆生。故立救拔之門。以濟生死之路。敬超度先亡者。當崇此教也。

唐開元二十六年。成都張益為長史。自少克孝。因失怙恃。哀毀過禮。遂舍家入山。誦玉皇本行集經。祈薦父母。以報養育劬勞之恩。真生極樂之處。日夕持經不絕。旦夕懇禱。念念不已。如是六年。殊無顯驗。遂疑經典無功。欲生退心。忽於庵側遇一老翁。儀容奇異。語張益云。非是經典無靈驗。亦非君不盡心。此乃去聖時遠。翻寫差錯。經文脫略。遂失其微。老人即以杖指庵中經云。取來老夫驗之也。益乃取跪而授之。翁開卷誦之曰。果誤矣。遂取筆改正。改畢。忽失翁之所在。止見有一經集在石上。開之。卷軸不動。乃新經一卷也。蓋望空頂禮。方知聖賢變化。倍加虔誠。專心奉持。得七日。亡父母忽來。謂益曰。墮在地獄。脩受衆苦。承汝精神福力。近得生天。今現故身。表功德爾。乃自天宮來。言訖。幢蓋自空接引而上。

宋元祐七年。相州范輝妻梁氏。六月內。以疾亡。其夫專為持誦本行經。并玉皇大帝聖彌。極甚精勤。終月不輟。忽一日。夢其身飛昇。上過天門。見綠霞滿空。異香襲人。瑶林寶樹。森列無數。清風拂觸。皆作玲瓏之聲。已覺非凡。又見宮殿星列。廡下設一虛榻。上題云。此梁氏之靈。范悟是其妻。因左右顧。忽一綠衣童子。傍立。范問之曰。梁氏何由致此。其人安在。侍童曰。梁氏致此。乃因君為持誦玉皇本行集經。及念玉皇大帝聖彌之力。今得快樂。已遷天仙矣。范感其言。益生敬仰。又見其傍有紙錢灰。并紙卷極多。或留在案上。或如紙灰飛下者。又問侍童。侍童曰。此乃人間功德。疏但其念誦至誠。深寫真謹者。乃留不然。擲去。范愈生信心。俄然而覺。即是年七月十四日也。

隋京師大莊嚴寺釋智興。俗姓宋氏。涪州人也。勵行堅明。依首律師誦經。

其報也。

唐劉彥回其父為湖州刺史僚屬從銀坑回有以一大龜為獻者曰得此龜者壽當千歲其父即日復同送于坑所父歿彥回為房州司士忽山水暴至平地數尺一家惶恐未有所之俄有大龜似欲引路從龜而行歷十餘地皆得淺處遂脫水難是夕復夢大龜曰昔在銀坑嘗蒙先使君救脫之惠今故奉報昔應世真人曰一切翻飛蠢動皆不可殺龜蛇二物尤不可殺若輒殺之或至殺有靈者其陰精定能害人是以識者常加救護必獲其報。

宋宋郊宋祁方非角同肄業大學有胡僧相之曰小宋他日當魁天下大宋亦不失甲科後十餘年春試罷復過僧於墨邱僧執大宋手驚曰公風神頓異似曾活數百萬命者大宋笑曰貧儒何力及是僧曰不然肖翹之物皆命也公試思之大宋俛思良久乃笑而言曰旬日前所居堂下有蟻穴為暴雨所侵羣蟻緣繞穴傍吾乃戲編竹為橋以渡之由是獲全得非此乎僧曰是也小宋今歲固當首捷然公終不出其下二宋私相語曰妄也

物言字表一曰

一歲固無兩魁比唱第小宋果中首選章獻太后當朝謂不可以弟先兄乃以大宋為第一小宋為第十始信僧言不妄。

宋京師有一酒匠每日見酒及水內浸死蠅輒取出用乾灰救之生則放馬如此數年所活者甚多一日偶被罪當死官欲行刑府官執筆書判有一蠅抱筆頭不得書遂去之再點筆復如是初以為偶然至三四次官疑有冤抑乃再閱審問未決間忽遇大赦得免罪而還夫蠅至微之虫何識而致是不過造物者用之以報酒匠之善心爾。

宋喻參養母至孝曾有鶴為人所射窮而歸參參收養療治瘡愈放之後鶴夜到參門秉燭視之鶴雌雄雙至各啣明珠來謝萬數萬緡參家遂殷富。

晉季冲元好食鱸嘗夢一媪衣皂衣告曰我腹中有五千子我死子亦死矣儻能生之獲福無量冲元意其鱸也遂捨之誓不再殺後夢此媪來謝家由此益裕。

宋張提刑升獻嘗與妻戮力就屠家買物令放生日有定數十餘年後其

妻死張於密室脩疏以平日所放物命追福手自焚之人無知者至大祥作黃籙齋道士拜章羅言宜人別無過又得所放物命功德疏功德最大已超生天界矣始大驚悟遂勵志不衰

宋蔡君謨未仕時每喜食鵝一夕夢褐衣老人曰來日當被害願公貸命蔡問汝何人乃誦詩云食君數粒粟充君羹中肉一羹斷數命下筋猶未足口腹須臾間禍福相倚伏願君戒勿殺死生如轉轂覺而異之詢於厨中有黃鶡數十放之經夕復夢褐衣老人曰感公從禱已獲復生今上帝已命注公高爵後蔡果顯貴于時

隋侯見大蛇被傷而治之後蛇銜珠以報其珠徑寸純白夜有光明如月之照一名隋侯珠一名明月珠

晉李雲子東平太守李忠祖母本一山嫗每遇大雪鳥無安棲往往飛集其家遂留不去嫗濟以穀且不敢驚上帝謂有仁心賜令度亡後得道居華陽洞宮

後魏裴安祖閒居養志不出城邑曾於天熱時舍大樹下有鷲鳥逐雌雄

急接之遂觸對而死安祖慙焉乃取置陰地徐徐護視良久得蘇安祖喜而放之後夜忽夢一丈夫衣冠甚偉若繡曲領向安祖再拜安祖恠問之此人云感君前日見放故來謝德聞者異焉

昔有大對僊者居宛伽河即恒河也側棲神入定積年之久形如槁木遊禽棲集遺屐拘律果樹名果於其肩上市往寒來乘陰自撰一夕忽從空起欲去其樹又恐鳥驚於是安忍方便移之移訖乃起天美其德賜彌大對僊

陳巖恭者黃州人家富於財而無兄弟父母愛之太建初恭年弱冠請於父母願得五萬錢往鄂州市易父母從之恭舩載物而下去鄂州四十里江中逢一舩載龜將詣市賣之恭念龜當死因請贖之謂龜主曰我正有三萬錢願以贖之龜主喜曰請以相售恭遂蓋買放之江中唯空舩詣鄂

州其龜主別恭行十餘里舩沒而死是日恭父母在家日昏時有烏衣客五十人詣門寄宿并送錢三萬付恭父母曰公兒在鄂州附此錢歸願依數受也父恠愕以為恭死因審之客曰兒無恙但不須錢故附歸耳恭父

受之記是本錢而皆小濕因留客為設食明日客辭去後月餘恭還家父

母大喜而問附錢之由。恭荅無之。父母說客形狀及其月日，乃贖龜之日。於是知客乃龜也。父子驚嘆。

隋智者法師以身衣勸人贖龜。音龜，取魚鱗也。一呀為放生之池。時臨海內史計

翽請講光明經。漁者聞法皆好生，去殺。舍江涿窟梁三十六所，三百餘里。

俱成法池。翽後還都，坐事被繫，臨當伏法。遇冀智者垂救，夜夢羣魚巨德。

吐沫相濡，明旦有詔特原翽罪。

唐魏郡馬嘉運，性不嗜殺。在蜀之日，見人將竭池取魚，嘉運時為人講書。

得納數十疋，因盡買魚放之。貞觀六年正月，居家日晚，出大門，忽見兩人。

各控馬一疋，先在門外對下立。嘉運問是何人。荅云：東海公使迎馬生耳。

嘉運素有學識，知名州里。每臺使及四方貴客，多請見之。及見，此不恠也。

謂使者曰：吾無馬，使者進馬。嘉運即於封下上馬去。其屍倒卧於地，俄至。

一官曹將入大門，有男女數十人在門外。如訟者，有一婦人先與嘉運相

識。是同郡張公瑾妻，姓元氏，手執一紙文書，迎謂嘉運曰：馬生尚相識否。

昔張總管家某曾相見，總管無狀，非禮殺我。我訴於天曹，已三年，為王天

主救護。公瑾故常見抑，今乃得伸。官已追之，不久將至矣。嘉運先知元氏

被殺，及見方自知死使者引入門。門者曰：公眠未可謁，宜且就霍司刑處

坐。嘉運見之，乃益州行臺郎中霍童也。延嘉運坐，曰：此府記室官缺，東海

公聞君才學，欲屈為此官耳。嘉運曰：貧守妻子，不願為官，得免幸甚。童曰：

若不能作，自陳無學，有相識可舉，令作。俄有人來云：公已起。引嘉運入，見

廳事，有一人坐，肥短黑色，呼嘉運謂曰：聞君才學，欲屈為記室耳。能為之

乎。嘉運拜謝曰：幸甚。但鄙夫田野，以經業教授後生，不足以當此任。公曰：識

霍童否。荅曰：識之。因使童問嘉運才術。童曰：平生知其經學，不見作文

章。公曰：誰可。嘉運曰：有陳子良者，解文章。公曰：放馬生歸。即命追子良。嘉

運辭去。童與之別，云：倩君語我家狗，吾臨終語汝。費我所乘馬，作浮圖。汝

那賣馬自費，速如我教造浮圖。所云我家狗者，謂其長子。嘉運因問向見

張公瑾妻，所言天主者為誰。童曰：公瑾鄉人王五戒，死為天主，常救公瑾。

故得至今。今已不免矣。言畢而別。遣使者送嘉運至一小澁道，命由此路

歸。下澁道如跌而寤。嘉運具言之。其年七月，綿州人姓陳名子良，暴死經

宿而蘇自言見東海公欲用為記室辭不識文字別有吳人陳子良卒公瑾亦亡自二人亡後嘉運嘗與人同行於路忽若見官府狀驚怖趨走頃之乃定同侶問之荅曰向見東海公使人云欲往益州追人仍說陳子良訴君霍司刑為君被誚讓君幾不免賴君贖生之福故得免後太宗使岑文本問其事文本錄以奏嘉運終於國子博士云。

唐荆南俞一即專好放生及塑佛像後因病見二鬼追之前路多有飛禽走獸迎接又遇千餘僧引至一所殿上有王者坐二判官持文簿侍側王者命檢簿有何善業判官云此人有贖放物命之功所放者已受入身三千餘合增壽二紀命青衣童子送回復活右手掌上有朱字數行隱隱不能辨蓋批判語也。

唐僧善信大師學於馬祖悟佛法大意後往五臺脩無碍供久之見老父謂曰師之大緣當在隨洪師依教至大洪山適居人以牲物禱雨于山之龍池師止之曰勿殺是牲吾當為汝禱乃登山宴坐甘雨霈然後忽以利刀斷左右足置几上白乳流涌然坐化。

唐書卷一百一十四

唐天寶中當塗漁人劉成李暉載魚往丹陽浦中李他往忽見船上大魚振鬣搖首稱阿彌陀佛劉驚奔于岸俄聞萬魚俱跳躍有念佛聲劉大恐於是盡投魚于江李至不信劉即用已財償之明日於菽中得錢萬五千題云還汝魚直。

宋錢塘壽禪師者本北郭稅務專知官每見鬻魚蝦輒買放之以是破家一日坐累當死吳越王遊于江上夢老人引魚蝦數萬至云此皆稅務官所放者願王免其辜王寤憐而釋之乃捨身出家得法眼淨禪師應以市曹得度故菩薩乃現市曹以度之學出死入生法得向死地走一遭抵三千年脩行。

宋吳子英者舒鄉人善入水捕得一赤鯉魚愛其色好持歸不殺養之池中數飼以米穀飼之一年長丈餘遂生角有翅子英怖拜謝之魚言我迎汝可上我背與汝俱升天歲餘來歸見其妻子魚復迎之於是舉家皆升天云。

元鄞城官講所有二僧同居一僧苦於鼠以大小三桶裝照鏡撲鼠機發

鼠受牒僧急去携水欲澆殺之。同居僧不忍潛揭桶縱之去。明日牒鼠僧他出。是夕僧獨宿聞羣鼠喧聒異常僧厭之云我他夕縱汝汝反聒我及早起於塌前得青條一事。心甚疑焉。數日後僧以條束腰鄰僧見之指云此是吾物嘗失之卧内。公奚得僧陳所以始知是夕鼠集堂竊鱗僧條以報德故喧聒耳。

唐眉州通義縣楊寵有女名正見幼而聰悟既笄父母聘與同郡王生一旦舅姑使為鮪正見憐魚生在盆中不忍殺請于舅姑而放之一日正見迷入山中有女冠在焉知其有好生之心留止山舍常使汲澗泉已數年矣每於水次見一兒潔白可喜才及歲餘一旦抱歸兒已殤矣視之乃茯苓也因潔以蒸之女冠出山正見聞其香因就饌取食之自是容貌光彩射人開元二十一年十一月三日昇天。

宋諸暨縣令潘華依普賢懺法不令人捕江湖內魚是年奉詔還闕夜夢江湖中魚為人形者數萬號哭沸天皆云長者去矣吾衆不免烹矣華異之作夢魚記以囑後世宰邑者。

宋荆南府立班殿直張一嗣一生虔奉真武常獲神貺因見俗屋多殺物命每自思惟皆是輪迴何忍為之常於市肆買飛禽魚鱉之類放之經十五年良嗣自然達性悟理凡有作為多有奇感人皆稱曰孫先生忽一日無病而卒卜塋荆積山南開墳有象鳥嚙泥裝壘土塋地穴出水化生魚鱉地生芝蓋下柳時有五色祥雲罩蔭四向墳前有一小竅現出龜蛇盤旋喜躍其靈應如此。

昔陵陽子明者銜細心嘗釣魚于漢水釣得白龍子明懼解釣拜而放之後得白魚腹中有書教子明服食之法子明遂上黃山採五石春石肺水而服之三年白龍來迎遂仙去。

昔同州司馬裴沉嘗侍再從於自洛往鄭州在路日晚下馬覺道左有人呻吟聲因披蒿菜下見一病鶴翅閉上瘡壞無毛忽有白衣老人曳杖而至謂裴曰少年憫此病鶴耶若得人血一塗即能飛裴曰請刺此臂血老人笑曰須三世人其血方中即君前生非人唯洛中葫蘆生可裴欣然荷返至洛訪葫蘆生陳其事生取一石合大若兩指接針刺臂酒清凡二滴

以有
曹義

